



四書人名考目錄

卷十八

七十子

顏路

回

曾皙

曾子



冉伯牛

雍

宰予

子貢

冉有

由

子游

子夏

有子

子張

申

漆雕開

南容

南宮适

子賤

赤

澹臺滅明

原思

巫馬期

司馬牛

子禽

琴張

中振

公伯寮

蘧悲

左邱明

杜放

牧皮

顏讐

由

四書人名考 卷之十八

七十子

顏路

回

曾皙

曾子

閔子騫

冉伯牛

雍

宰予

子貢

冉有

由

子游

子夏

有子

子張申解

漆雕開

南容

南宮适

子賤

赤

澹臺滅明

原思

公冶長

柴

樊遲

巫馬期

司馬牛

子禽

琴張

申枨

公伯寮

蘧悲

四書人名考卷之十八

左邱明

林放

牧皮

顏讎由

孟懿子

見前子服景伯

見前

孔子以詩書禮樂教弟子。蓋三千焉。身通六藝者七十有二人。如顏濁鄒之徒。頗受業者甚衆。史記孔子世家

孔子曰。受業身通者七十有七人。皆異能之士也。德行

顏淵。閔子騫。冉伯牛。仲弓。政事。冉有。季路。言語。宰我。子

貢。文學。子游。子夏。師也。辟參也。魯柴也。愚由也。喭回也。

屢空。賜不受命而貨殖焉。億則屢中。孔子之所嚴事。子

周則老子。于衛蘧伯玉。于齊晏平仲。于楚老萊子。于鄭

天津人民圖書館藏書圖記

0249371

子產于魯孟公綽數稱臧文仲柳下惠銅鞮伯華介山
子然孔子皆後之不並世。史記仲尼弟子傳

孔氏之徒三千人身通六藝者七十子其云三千不取
盈於三千也其云七十不限止以七十也自孔子徒人
法既亡而文翁石室像在顯晦之間世儒據以考定弟
子之籍惟史記之傳家語之解而已家語弟子解七十
六人又與叔孫會合傳有孔璠又別見者惠叔蘭共七
十八人史記弟子傳七十七人別見孔子世家者有顏
涿聚共七十八人蘇轍撰古史著錄七十九人家語有

四書人名考

卷之十八

二

而史記無者琴牢薛邦申續陳亢縣亶也史記有而家
語無者公伯寮鄭國申棠鄭單秦冉顏何也益以文翁
禮殿之廉瑀林放魯峻石壁畫像之子服何禮雜記之
孺悲射義之公罔之裘序黜春秋左氏傳之仲孫何忌
仲孫閱晏子之鞠語孟子之牧皮莊子之常季通計九
十八人竊謂中有姓氏相近者不當以臆見去留先師
之庭概應從祀他若論語之闕黨互鄉二童子魯峻石
壁畫像之庄子慮襄子孺襄子魯公子庄顏子思夾子
高韋續書品爲素王紀瑞製麒麟書之申姓名闕失又

遠伯玉孔子嚴事之友施存雖載陶宏景真誥在三千
人之數不與弟子之列不復著錄恐滋後學之惑也
書亭集

顏路淵父也
古論語訓

顏由字路回之父也孔子始教於闕里而受學焉少孔

子六歲
家語弟子解

顏回孔子弟子姓顏名回字子淵魯人也
古論語訓

少孔子三十歲年二十九髮盡白蚤死孔子哭之慟曰

自吾有回門人益親
史記弟子傳

四書人名考卷之十八

三

按回少孔子三十歲三十一而卒則顏淵卒時孔子年
六十一方在陳蔡矣伯魚年五十先孔子死則鯉也死
時孔子蓋年七左右據其年則顏回先伯魚卒而論
語顏回死顏路請子之車以爲之槨子曰鯉也死有棺
而無槨又似伯魚先死者王肅家語注云此書久遠年
數錯誤未可詳也
論語正義

夫能夙興夜寐諷誦崇禮行不貳過稱言不苟是顏回之
行也孔子說之以詩曰媚茲一人應侯順德永言孝思孝
思惟則若逢有德之君世受顯命不失厥名以御于天乎

則王者之相也。家語弟子行

顏淵問於仲尼曰。夫子步亦步。夫子趨亦趨。夫子馳亦馳。夫子奔絕絕。塵而回。矐若乎後矣。夫子曰。回何謂邪。曰。夫子步亦步也。夫子言亦言也。夫子趨亦趨也。夫子辯亦辯也。夫子馳亦馳也。夫子言道回亦言道也。及奔逸絕塵而回。矐若乎後者。夫子不言而信。不比而周。無器而民蹈乎前。而不知所以然而已矣。莊子田子方

顏回曰。回益矣。仲尼曰。何謂也。曰。回忘仁義矣。曰。可矣。猶未也。它日復見曰。回益矣。曰。何謂也。曰。回忘禮樂矣。

四書人名考卷之十八

四

曰。可矣。猶未也。它日復見曰。回益矣。曰。何謂也。曰。回坐忘矣。仲尼蹵然曰。何謂坐忘。顏回曰。墮肢體黜聰明。離形去知。同於大通。此謂坐忘。仲尼曰。同則無好也。化則無常也。而果其賢乎。某也請從而後也。莊子大宗師

顏子一簞食一瓢飲。在陋巷。人不堪其憂。而不改其樂。夫富貴人所愛也。顏子不愛不求。而樂乎貧者。獨何心哉。天地間有至富至貴。可愛可求。而異乎彼者。見其大而忘其小焉爾。見其大則心泰。心泰則無不足。無不足則富貴貧賤處之一也。處之一則能化而齊。故顏子亞聖。周子通書

孔子謂顏回曰。回來。家貧居卑。胡不仕乎。顏回對曰。不願仕。回有郭外之田五十畝。足以給飢粥。郭內之田十畝。足以爲絲麻。鼓琴足以自娛。所學夫子之道者。足以自樂也。回不願仕。孔子愀然變容曰。善哉。回之意。某聞之。知足者不以利自累也。審自得者失之而不懼。行修於內者。無位而不怍。某誦之久矣。今於回而後見之。是某之得也。莊子讓玉篇

顏回見仲尼。請行。曰。奚之。曰。將之衛。曰。奚爲焉。曰。回聞衛君其年壯。其行獨。輕用其國。而不自見其過。輕用民

四書人名考卷之十八

死死。者以國量。子澤若。蕉民其無如矣。回嘗聞之。夫子曰。治國去之。亂國就之。醫門多疾。願以所聞。思其則。庶幾其國有瘳乎。仲尼曰。嘻。若殆往而刑耳。雖然。若必有以也。嘗以語我來。顏回曰。端而虛。勉而一。則可乎。曰。惡。惡可。夫以陽爲充。孔揚采色不定。常人之所違。因案人之所感。以求容與其心。名之曰日漸之德。不成。而况大德乎。將執而不化。外合而內不訾。其庸詎可乎。曰。然則我內直而外曲。成而上比。內直者。與天爲徒。與天爲徒者。知天子之與已。皆天之所予。而獨以已言。斲乎。而人

善之蘄乎而人不善之耶。若然者，謂之童子，是之謂與天爲徒。外曲者，與人之爲徒也。擊跪曲拳，人臣之禮也。人皆爲之，吾敢不爲耶？爲人之所爲者，人亦無疵焉。是之謂與人爲徒。成而上比者，與古爲徒。其言雖教，謫之實也。古之有也，非吾有也。若然者，雖直不爲病，是之謂與古爲徒。若是則可乎？仲尼曰：「惡，惡可！大多政，法而不諛，雖固亦無罪。雖然，止是耳。胡可以及化？猶師心者也。」顏回曰：「吾無以進矣。」敢問其方。仲尼曰：「齋，吾將語若。有而爲之者，其易耶？易之者，俛天不宜。」顏回曰：「回之家貧，

四書人名考

卷之十八

六

惟不飲酒，不茹葷者，數月矣。若此，則可以爲齋乎？曰：是祭祀之齋，非心齋也。回曰：「敢問心齋。」仲尼曰：「一若志無聽之以耳而聽之以心，無聽之以心而聽之以氣，聽止于耳，心止于符，氣也者，虛而待物者也。惟道集虛，虛者心齋也。」顏回曰：「回之未始得使，實自回也，得使之也，未始有回也，可謂虛乎？」夫子曰：「盡矣。」莊子人間世

子曰：「予欲無言，天何言哉！四時行焉，百物生焉，然則聖人之蘊微，顏子殆不可見。發聖人之蘊，教萬世無窮者，顏子也。聖同天，不亦深乎？」周子通書

聖人之門。其徒三千。獨稱顏子爲好學。夫詩書六藝。三千子非不習而通也。然則顏子所獨好者何學也。學以至聖人之道也。聖人可學而至與。曰然。學之道如何。曰。天地儲精。得五行之秀者爲人。其本也。真而靜。其未發也。五性具焉。曰仁義禮智信。形旣生矣。外物觸其形而動其中矣。其中動而七情出焉。曰喜怒哀樂愛惡欲。情旣熾而益蕩其性。鑿矣。是故覺者約其情。使合于中正。其心養其性。故曰性其情。愚者則不知制之。縱其情而至于邪僻。梏其性而亡之。故曰情其性。凡學之道。正其

四書人名考卷之十一

七

心。養其性而已。中正而誠則聖矣。君子之學。必先知明諸心。知所往。然後力行以求至。所謂自明而誠也。故學必盡其心。盡其心則知其性。知其性反而誠之。聖人也。故洪範曰。思曰睿。睿作聖。誠之道在乎信道篤。信道篤則行之果。行之果則守之固。仁義忠信不離乎心。造次必於是。顛沛必於是。出處語默必於是。久而弗失則居之安。動容周旋中禮。而邪僻之心無自生矣。故顏子所事。則曰非禮勿視。非禮勿聽。非禮勿言。非禮勿動。仲尼稱之。則曰得一善則拳拳服膺而弗失之矣。又曰不遷。

怒不貳過有不善未嘗不知知之未嘗復復也此其好之篤學之道也視聽言動皆禮矣所異於聖人者蓋聖人則不思而得不勉而中從容中道顏子則必思而後得必勉而後中故曰顏子之與聖人相去一息孟子曰充實而有光輝之謂大大而化之之謂聖聖而不可知之之謂神顏子之德可謂充實而有光輝矣所未至者守之也非化之也以其好學之心假之以年則不日而化矣所謂化之者入于神而自然不思而得不勉而中之謂也孔子曰七十而從心所欲不踰矩是也或曰

四書人名考 卷之十八

八

聖人生而知之者也今謂可學而至其有稽乎曰然堯舜性之也湯武反之也性之者生而知之者也反之者學而知之者也孔子則生而知也孟子則學而知也後人不達以謂聖本生知非學可至而爲學之道遂失不求諸已而求諸外以博聞強記巧文麗詞爲工榮華其言鮮有至於道者則今之學與顏子所好異矣 二程遺書。顏子所好何學論

或問世言鑄金金可鑄與曰吾聞觀君子者問鑄人不問鑄金或曰人可鑄與曰孔子鑄顏淵矣 法言學行篇

或曰使我紆朱懷金其樂不可量也曰紆朱懷金之樂不如顏氏子之樂顏氏子之樂也內紆朱懷金之樂也外或曰請問屢空之內曰顏不孔雖得天下不足以爲樂然亦有苦乎曰顏苦孔之卓也或人瞿然曰茲苦也祇其所以爲樂也與同上

敢問潛心於聖曰昔仲尼潛心於文王矣達之顏淵亦潛心於仲尼矣未達一間耳神在所潛而已矣法言問神篇

或曰子於天下則誰與曰與夫進者乎或曰貪夫位也

四書人名考卷之十八

九

慕夫祿也何其與曰此貪也非進也夫進也者進於道慕於德殷之以仁義進而進而退曰孳孳而不知勦者也或曰進退則聞命矣請問退進曰昔乎顏淵以退爲進天下解儷焉或曰若此則何小於必退也曰必進易儷也必退易儷也進以禮退以義難儷也法言君子篇

顏回十八天下歸仁後漢書

會哲曾參父名點古論語訓

疾時禮教不行欲修之孔子善焉家語弟子行

曾點使曾參過期而不至人皆見曾點曰無乃畏耶曾
點曰彼雖畏我存夫安敢畏

呂氏春秋勸學篇

季武子寢疾疇固不說齊衰而人見曰斯道也將亡矣
士唯公門說義是衰武子曰不亦善乎君子表微及其衰
也會點倚其門而歌

禮記檀弓下

考武子卒在昭公七年孔子方十七歲曾皆少於子路
時止六七齡耳未必有倚門而歌事

禮記義疏

曾子孔子弟子曾參

論語解

曾參南武城人字子輿少孔子四十六歲孔子以爲能

四書人名考卷之十八

十

通孝道故授之業作孝經死於魯

史記弟子傳

史記仲尼弟子傳曾參南武城人澹臺滅明武城人同

一武城而曾子獨加南字南武城故城在今費縣西南

八十里石門山下正義曰地理志定襄有武城清河有

武城故此云南武城春秋襄公十九年城武城左氏註

云泰山南武城縣然漢書泰山郡無南武城而有南城

縣屬東海郡後漢書作南成屬泰山郡至晉始爲南武

城此後人之所以疑也宋程大昌澹臺祠友教堂記曰

武城有四左馮翊泰山清河定襄皆以名縣而清河特

曰東武城者以其與定襄皆隸趙且定襄在西故也若子游之所宰其實魯邑而東武城者魯之北也故漢儒又加南以別之史遷之傳曾參曰南武城者柳加也子羽傳次曾子省文但曰武城而水經注引京相璠曰今泰山南武城縣有澹臺子羽冢縣人也可以見武城之卽爲南武城也孟子言曾子居武城有越寇或曰寇至蓋去諸曰無寓人於我室毀傷其薪木新序則云魯人攻鄭曾子辭于鄭君曰請出寇罷而後復來母使狗豕入吾舍戰國策甘茂亦言曾子處費卽曾子所居之武

四書人名考

卷之十八

十一

城費邑也哀公八年傳吳伐我子洩率故道險從武城又曰吳師克東陽而進舍于五梧後漢志云南城有東陽城引此爲證又可以見南成之卽爲武城也南城之名見于史記齊威王曰吾臣有檀子者使守南城則楚人不敢爲寇東取泗上十二諸侯皆來朝漢書但作南成孝武封城陽共王子貞爲南城侯而後漢王符潛夫論云鄆畢之山南城之冢章懷太子注南城曾子父所葬在今沂州費縣西南此又南成之卽南城而在費之證也

滿而不盈。實而如虛。過之如不及。先王難之。博無不學。其貌恭。其德敦。其言於人也無所不信。其驕大人也。常以浩浩。是以眉壽。是會參之行也。孔子曰。孝德之始也。弟德之序也。信德之厚也。忠德之正也。參中夫四德者也。以此稱之。家語弟子行

曾子耘瓜。誤斬其根。會皙怒。建大杖以擊其背。曾子仆地而不知人。久之有頃。乃蘇。欣然而起。進于會皙曰。向也參得罪於大人。大人用力教參。得無疾乎。退而就房。援琴而歌。欲令會皙聞之。知其體康也。孔子聞之而怒。

四書人名考 卷之十八

主

告門弟子曰。參來勿內。會參自以爲無罪。使人請于孔子。子曰。女不聞乎。昔瞽瞍有子曰舜。舜之事瞽瞍。欲使之未嘗不在於側。索而殺之。未嘗可得。小捶則待過。大杖則逃走。故瞽瞍不犯不父之罪。而舜不失烝烝之孝。今參事父。委身以待暴怒。殪而不避。旣身死而陷父于不義。其不孝孰大焉。女非天子之民耶。殺天子之民。其罪奚若。會參聞之曰。參罪大矣。遂造孔子而謝過。家語

六本篇

昔者曾子處費。費人有與曾子同名族者。而殺人。人告

曾子母曰。曾參殺人。曾子之母曰。吾子不殺人。織自若。有頃焉。人又曰。曾參殺人。其母尚織自若也。頃之一人又告之曰。曾參殺人。其母懼。投杼踰牆而走。戰國策

曾子仕于莒。得粟三秉。方是之時。重其祿而輕其身。親沒之後。齊迎以相。楚迎以令尹。晉迎以上卿。方是之時。曾子重其身而輕其祿。韓詩外傳

曾子曰。往而不可還者親也。至而不可加者年也。是故孝子欲養而親不待也。木欲直而時不待也。是故椎牛而祭墓。不如雞豚。逮親存也。故吾嘗仕齊爲吏。祿不過

四書人名考 卷之十八

三

鍾釜尚猶欣欣而喜者。非以爲多也。樂其逮親也。旣沒之後。吾嘗南遊于楚。得尊官焉。堂高九仞。椽題三圍。轉轂百乘。猶北鄉而泣涕者。非爲賤也。悲不逮吾親也。故家貧親老。不擇官而仕。若夫信其志約其親者。非孝也。同上

曾子再仕而心再化。曰。吾及親。仕三釜而心樂。後仕三

千鍾。不洎吾心悲。莊子寓言篇

曾子攀柩車引轡者爲之止也。淮南子說山訓

曾子立孝。不過勝母之閭。同上

曾子居衛緇袍無表顏色腫噲手足胼胝三日不舉火十年不製衣正冠而纓絕捉衿而肘見納履而踵決曳絀而歌商頌聲滿天地若出金石天子不得臣諸侯不得友故養志者忘形養形者忘利致道者忘心矣莊子讓王篇

曾子蔽衣而耕于魯魯君聞之而致邑焉曾子固辭不受或曰非子之求君自致之奚固辭也曾子曰吾聞受人施者常畏人與人者常驕人縱君有賜不我驕也吾豈能勿畏乎孔子聞之曰參之言足以全其節也家語

四書人名考卷之十八

在厄篇

古

曾子行晏子從于郊曰嬰聞之君子贈人以言庶人贈人以財嬰貧無財請假于君子贈吾子以言乘輿之輪大山之木也實諸隳栝三月五月爲幬菑敝而不反其常君子之隳栝不可不謹也慎之蘭茝豪本漸于蜜醴一佩易之正君漸於香酒可讒而得也君子之所漸不可不慎也荀子大畧篇

晏子先于孔子曾子之父猶爲孔子弟子此云送曾子豈好事者爲之歟荀子注

參後母遇之無恩而供養不衰及其妻以藜烝不熟因出之人曰非七出也參曰藜烝小物耳吾欲使熟而不用吾命况大事乎遂出之終身不娶其子元請焉告其子曰高宗以後妻殺孝已尹吉甫以後妻殺伯奇吾上不及高宗中不比吉甫庸知其免於非乎

家語

會子寢疾病樂正子春坐于牀下會元會申坐於足童子隅坐而執燭童子曰華而晄大夫之簣與子春曰止會子聞之瞿然曰呼曰華而晄大夫之簣與會子曰然斯季孫之賜也我未之能易也元起易簣會子曰夫子

四書人名考 卷之十八

五

之病革矣不可以變幸而至子且請敬易之會子曰爾之愛我也不如彼君子之愛人也以德細人之愛人也以姑息吾何求哉吾得正而斃焉斯已矣舉扶而易之反席未安而沒

禮記檀弓下

會子之喪浴於爨室

同上

會元會參子

禮記注

公行子之之燕遇會元於塗曰燕君何如會元曰志卑志卑者輕物輕物者不求助苟不求助何能舉

荀子大

畧篇

閔子騫孔子弟子名損

論語集註

閔損字子騫少孔子十五歲不仕大天不食汗君之祿
史記弟子傳

子夏三年之喪畢見於夫子援琴而弦衍衍而樂作而曰
先王制禮不敢不及夫子曰君子也閔子騫三年之喪畢
見於夫子援琴而弦切切而哀作而曰先王制禮不敢過
也子路曰敢問何謂也夫子曰子夏哀已盡能引而致之
於禮故曰君子也閔子騫哀未盡能自割以禮故曰君子
也夫二年之喪賢者之所輕不肖者之所勉毛詩傳

四書人名考卷之十八

十一

子騫早喪母父娶後妻生三子疾惡子騫以蘆花衣之
父察知之欲逐後母子騫啓曰母在一子寒母去三子
單父善之而止母悔改之後至均平遂成慈母韓詩外傳
今本無

閔子要絰而服事既而曰若此乎古之道不卽人心退
而致任孔子蓋善之也春秋公羊傳

閔子騫始見於夫子有菜色後有芻豢之色子貢問曰子
始有菜色今有芻豢之色何也閔子曰吾出蒹葭之中入
夫子之門夫子内切磋以孝外爲之陳王法心竊樂之出

見羽蓋龍旗，旃裘相隨，心又樂之。二者相攻胸中而不能任，是以有萊色也。今被夫子之教，寢深又賴二三子切磋而進之，內明於去就之義，出見羽蓋龍旗旃裘相隨，視之如壇土矣。是以有芻豢之色。韓詩外傳

歷城之東五里有邱焉，曰閔子之墓。墳而不廟，秩祀不至，邦人不寧，守土之吏有將舉焉而不克者。熙寧七年，濮陽李公來守濟南，越明年政修事治，邦之耆老相與來告曰：「此邦之舊有如閔子而不廟食，豈不大闕公唯不知，苟知之，其有不勸公曰：『噫，信其可以緩於是。』」鳩工為祠堂，且使春秋修其常事，堂成，具三獻焉。邊豆有列，賓相有位，百年之廢一日而舉，學士大夫觀禮祠下，咨嗟涕洟，有言曰：「惟夫子生於亂世，周流齊魯宋衛之間，無所不仕，其弟子之高第亦咸仕於諸國，宰我仕齊，子貢冉有子游仕魯，季路仕衛，子夏仕魏，弟子之仕者亦衆矣。然其稱德行者四人，獨仲弓嘗為季氏宰，其上三人皆未嘗仕季氏，嘗欲以閔子為費宰，閔子辭曰：『如有復我者，則我必在汶上矣。』且以夫子之賢，猶不以仕為汙也，而三子之不仕，獨何歟？言未卒，有應者曰：『子獨不

見夫適東海者乎。望之茫洋，不知其邊。卽之汗漫不測。其深其舟如蔽天之山。其帆如浮空之雲。然後履風濤而不愆。觸蛟蜃而不警。若夫以江河之舟楫而跨東海之險，則亦十里而返，百里而溺，不足以經萬里之害矣。方周之衰，禮樂崩弛，天下大壞，而有欲救之，譬如涉海有甚焉者。今夫子之不顧而出，則其舟楫足恃也。諸子之汲汲而欲返，蓋亦有陋舟而將試焉，則亦隨其力之所及而已矣。若夫三子願爲夫子而未能，下顧諸子而以爲不足爲也，是以止而有待。夫子嘗曰：世之學柳下

四書人名考卷之六

六

惠者，未有若魯獨居之男子。吾於三子亦云。衆曰：然，退而書之，遂刻於石。穎濱集。齊州閔子廟記。

冉伯牛，孔子弟子，冉耕。論語解。

冉耕，魯人，字伯牛，以德行著名，有惡疾。家語弟子解。

夫顏回、季路、子夏、冉伯牛，孔子之通學也。然顏淵天死，季路殂于衛，子夏失明，冉伯牛爲厲，此皆迫性拂情而不得其和也。淮南子精神訓。

冉子，鄆人也。去臨淄五百里。嘗事孔子，終身不求仕。子洛當不得應古稱鄉先生死而祀於其社，亦不得有功。

德於洛之士者。洛之人何以廟而祀之。洛之西五里冉子墓在焉。豈孔子之門人各以其學授諸侯之國。而冉子死於是也。然冉子死而孔子與之訣。按史記嘗稱孔子自衛西見趙簡子。聞竇鳴犢。舜華之殺也。臨河歔歔流涕而返。則孔子終身不入趙。而冉子之死。蓋死鄆也。豈冉子嘗授學於是。而既返。門人或得其所遺衣冠。遂愛其道。哀其死。而相與謀葬之。後之人因墓以廟。耶。予又聞疑孔子在當時。天下之士遊于其門。牆傑然者衆矣。若季路之攝千乘。子貢之連騎。結駟於齊魯之郊。而

四書人名考卷之十八

九

亂齊存魯。卜子夏之疏序雅頌。皆所謂政事文章之衰。然聲稱者。其餘虎視鱗躍。翱翔儒林。不可勝數。然皆不得高第列。而當時所與從。陳蔡之閉者。獨顏淵。閔子騫。冉伯牛。仲弓之徒。以德行稱。彼皆無所謂文章政事。以自表見。然仲弓猶爲季氏宰。閔子騫雖不爲季氏宰。遭母罵。亦得以苦力行。孝稱於內外兄弟。顏淵才高。孔子獨與終日言而不違。而問仁問邦及簞瓢陋巷之居。數亟稱之不置也。至于伯牛。則絕無一言一行。傳於齊魯。論家語稗官野史之中。特孔子哀其疾之辭耳。以予觀

之。冉子當言不出口。眇然儒者也。而亦無奇節特行。以自喜。州黨朋友之間。故後世不得而述焉。漢以來。自天子至州郡守令。王事孔子。至執子弟禮。駿奔走。盛邊豆。凡入學。合射。養老。獻馘之屬。不敢不廟謁以告。而冉子得並顏閔之徒。首配食之。趙古稱多悲歌慷慨慕義名俠之士者也。趙武靈王之霸。廉頗藺相如樂毅之勳業。平原公子之愛士。唐之相環。宋之相沈。彼皆所謂蓋世之賢者。然俱以頽落薶沒。無復睹記。其所遺墓宮。往往里之童子。樵採嬉遊其上。而不復禁。而區區言不出口。

四書人名考卷之十八

子

如冉子者。數千百年後。猶相與守其衣冠之墓。以祭。何與。嗚乎。傳不云乎。大上立德。其次立功。次立言。故士之好修。不必論著於文采。聲施於國家。載名氏。撰藝實於竹帛。鼎彝之間。而苟自其所壑。游谷處夷。然託行隱君子之列焉。百世之下。固有聞風而俎豆者矣。郡守小潭。唐公來謁冉子之墓。而加亭於其碣。修葺故廟。屬余爲記。蓋將以孔門首德之義。而教郡之士人者。予既詳之如左。而因爲樂歌一章。以系之碑陰。因令里人習歌而祠之。茅鹿門集。冉子祠堂碑。

雍孔子弟子仲弓名姓冉論語解

雍字仲弓伯牛之宗族少孔子二十九歲生於不肖之

父以德行著名家語弟子解

在貧如客使其臣如借不遷怒不深怨不錄舊罪是冉雍

之行也孔子論其材曰有土之君子也有眾使也有刑用

也然後稱怒焉孔子告之以詩曰靡不有初鮮克有終匪

夫不怒唯以亡其身家語弟子行

宰予孔子弟子宰我論語解

宰予字子我利口辯辭為臨菑大夫與田常作亂以夷

四書人名考卷之十八

其族孔子恥之史記弟子傳

左氏無宰我與田常作亂之文然有闕止字子我田闕

爭寵子我為陳恒所殺恐字與宰予相涉因誤云然史

記索隱

子貢孔子弟子姓端木名賜論語注

端木賜衛人字子貢少孔子三十一歲子貢利口巧辭

孔子常黜其辯史記弟子傳

田常欲作亂於齊擯高國鮑晏故移其兵欲以伐魯孔

子聞之謂門弟子曰夫魯墳墓所處父母之國國危如

此二三子何爲莫出子路請出孔子止之子張子石請行孔子弗許子貢請行孔子許之遂行至齊說田常曰君之伐魯過矣夫魯難伐之國其城薄以卑其地狹以泄其君愚而不仁大臣僞而無用其士民又惡甲兵之事此不可與戰君不如伐吳夫吳城高以厚地廣以深甲堅以新士選以飽重器精兵盡在其中又使明大夫守之此易伐也田常忿然作色曰子之所難人之所易子之所易人之所難而以教常何也子貢曰臣聞之憂在內者攻疆憂在外者攻弱今君憂在內吾聞君三封

而三不成者大臣有不聽者也今君破魯以廣齊戰勝以驕主破國以尊臣而君之功不與焉則交日疎於主是君上驕主心下恣羣臣求以成大事難矣夫上驕則恣臣驕則爭是君上與主有郤下與大臣交爭也如此則君之立於齊危矣故曰不如伐吳伐吳不勝民人外死大臣內空是君上無疆臣之敵下無民人之過孤主制齊者唯君也田常曰善雖然吾兵業已加魯矣去而之吳大臣疑我奈何子貢曰君按兵無伐臣請往使吳王令之救魯而伐齊君因以兵迎之田常許之使子貢

南見吳王說曰臣聞之王者不絕位霸者無疆敵千鈞之重加銖兩而移今以萬乘之齊而私千乘之魯與吳爭強竊爲王危之且夫救魯顯名也伐齊大利也以撫泗上諸侯誅暴齊以服強晉利莫大焉名存亡魯實困強齊智者不疑也吳王曰善雖然吾嘗與越戰棲之會稽越王苦身養士有報我心子待我伐越而聽子子貢曰越之勁不過魯吳之強不過齊王置齊而伐越則齊之平魯矣且王方以存亡繼絕爲名夫伐小越而畏強齊非貞也夫勇者不避難仁者不窮約智者不失時王者不絕世以立其義不越示諸侯以仁救魯伐齊威加晉國諸侯必相率而朝吳霸業成矣且王必惡越臣請東見越王令出兵以從此實空越名從諸侯以伐也吳王大說乃使子貢之越越王除道郊迎身御至舍而問曰此蠻夷之國大夫儼然辱而臨之子貢曰今者吾說吳王以救魯伐齊其志欲之而畏越曰待我伐越乃可如此破越必矣且夫無報人之志而令人疑之拙也有報人之意使人知之殆也事未發而先聞危也三者舉事之大患句踐頓首再拜曰孤嘗不料力乃與吳戰

困於會稽，痛入於骨髓，日夜焦唇乾舌，徒欲與吳王接
踵而死，孤之願也。遂問子貢，子貢曰：吳王爲人猛暴，羣
臣不堪，國家敝於數戰，士卒弗忍，百姓怨上，大臣內變，
子胥以諫死，太宰嚭用事，順君之過以安其私，是殘國
之治也。今王誠發士卒佐之，以徼其志，重寶以說其心，
卑辭以尊其禮，其伐齊必也。彼戰不勝，王之福矣。戰勝
必以兵臨晉，臣請北見晉君，令共攻之。弱吳必矣。其銳
兵盡於齊，重甲困於晉，而王制其敝，此滅吳必矣。越王
大說，許諾，送子貢金百鎰，劍一良，矛一，子貢不受，遂行。

四書人名考

卷之十八

語

報吳王曰：臣敬以大王之言告越王。越王大恐，曰：孤不
幸，少失先人，內不自量，抵罪於吳，軍敗身辱，棲于會稽，
國爲虛莽，賴大王之賜，使得奉俎豆而修祭祀，死不敢
忘，何謀之敢慮？後五日，越使大夫種頓首言於吳王曰：
東海役臣，孤句踐，使者臣種，敢修下吏，問於左右，今竊
聞大王將興大義，誅彊救弱，困暴齊而撫周室，請悉起
境內士卒三千人，孤請自被堅執銳，以先受矢石。因越
賤臣種奉先人藏器甲二十領，缺屈虛之矛，步光之劍，
以賀軍吏。吳王大說，以告子貢，曰：越王欲身從寡人伐

齊可乎。子貢曰：不可。夫空人之國，悉人之衆，又從其君，不義。君受其幣，許其師，而辭其君，吳王許諾，乃謝。越王於是吳王乃遂發九郡兵伐齊。子貢因去之晉，謂晉君曰：臣聞之，慮不先定，不可以應卒；兵不先辯，不可以勝敵。今夫齊與吳將戰，彼戰而不勝，越亂之必矣。與齊戰而勝，必以其兵臨晉。晉君大恐，曰：爲之奈何？子貢曰：修兵休卒以待之。晉君許諾，子貢去而之魯。吳王果與齊人戰於艾陵，大破齊師，獲七將軍之兵，而不歸。果以兵臨晉，與晉人相遇黃池之上。吳晉爭強，晉人擊之大敗。

四書人名考

卷之十八

五

吳師越王聞之，涉江襲吳，去城七里而軍。吳王聞之，去晉而歸，與越戰于五湖，三戰不勝，城門不守。越遂圍王宮，殺夫差而戮其相，破吳。三年，東向而霸。故子貢一出，存魯，亂齊，破吳，彊晉，而霸越。子貢一使，使勢相破，十年之中，五國各有變。

同上

子貢好廢舉，與時轉貨賈，喜揚人之美，不能匿人之過，常相魯衛家累千金，卒終于齊。

同上

子貢既學于仲尼，退而仕于衛，廢著鬻財于曹魯之間，七十子之徒，賜最爲饒益，原憲不厭糟糠，匿于窮巷，子

貢結駟連騎束帛之幣以聘享諸侯所至國君無不分庭與之抗禮夫使孔子名布揚于天下者子貢先後之也此所謂得勢而名益彰者乎史記貨殖傳

孔子曰吾死之後則商也日益賜也日損曾子曰何謂也子曰商也好與賢已者處賜也好與不若已者處不知其子視其父不知其人視其友不知其君視其所使不知其地視其草木故曰與善人居如入芝蘭之室久而不聞其香即與之化矣與不善人居如入鮑魚之肆久而不聞其臭亦與之化矣丹之所藏者赤漆之所藏

四書人名考卷之十八

三

者黑是以君子慎其所與處者焉家語六本篇

冉有孔子弟子冉求論語解

冉求字子有少孔子二十九歲為季氏宰史記弟子傳

恭老卹幼不忘賓旅好學博藝省物而勤已是冉求之行也孔子因而語之曰好學則智卹孤則惠恭則近禮勤則有繼堯舜篤恭以王天下其稱之也曰宜為國老家語弟子傳

子傳

由孔子弟子姓仲名由字子路古論語訓

仲由字子路下人也少孔子九歲子路性好勇力志

伉直冠雄雞佩假滕陵暴孔子孔子設禮稍誘子路子

路後備服委質因門人請爲弟子史記弟子傳

子路戎服見于孔子拔劍而舞之曰古之君子以劍白衛乎孔子曰古之君子忠以爲質仁以爲衛不出環堵之室而知千里之外有不善則以忠化之侵暴則以仁固之何待劍乎子路曰由乃今聞此言請攝齋以受教家語好生篇

子路見孔子子曰汝何好樂對曰好長劍孔子曰非此之問也徒謂以子之所能而加之以學問豈可及乎子

四書人名考卷之十八

毛

路曰學豈益也哉孔子曰夫人君而無諫臣則失正士而無教友則失聽御狂馬不釋策操弓不反藥木受繩則直人受諫則聖受學重問孰不順哉毀仁惡士必近乎刑君子不可不學子路曰南山有竹不揉自直斬而用之達于犀革以此言之何學之有孔子曰括而羽之鏃而礪之其人之不亦深乎子路再拜曰謹受教家語

子路初見篇

不畏強禦不侮矜寡其言循性其都以富材任治戎是仲由之行也孔子和之以文說之以詩曰愛小共大共而爲

下國駭靡。荷天子之寵。不難不悚。敷奏其勇。強乎武哉。交不勝其質。家語弟子行

子路見於孔子曰。負重涉遠。不擇地而休。家貧親老。不擇祿而仕。昔也由也。事二親之時。常食藜藿之食。爲親負米百里之外。親喪之後。南遊于楚。從車百乘。積粟萬鐘。累茵而坐。列鼎而食。願欲食藜藿爲親負米。不可得也。枯魚銜索。幾何不蠹。二親之壽。忽若過隙。孔子曰。由也事親。可謂生事盡力。死事盡思者也。家語致思篇

子路爲季氏宰。季氏祭。逮闇而祭。日不足繼。之以燭。雖

四書人名考卷之十八

天

有強力之容。肅敬之心。皆倦怠矣。有司跛倚以臨祭。其爲不敬大矣。他日祭于路。與室事交乎戶。堂事交乎階。質明而始行事。晏朝而退。孔子聞之曰。孰謂由也而不知禮乎。禮記禮器

子路爲蒲大夫。辭孔子。孔子曰。蒲多壯士。又難治。然吾語汝。恭以敬。可以執勇。寬以正。可以比衆。恭正以靜。可以報上。史記弟子傳

子路治蒲三年。孔子遇之入其境。曰。善哉。由也。忠信以寬矣。至其庭。曰。善哉。信矣。入其邑。曰。善哉。由也。忠信以寬矣。至其庭。曰。善哉。

治也。明察以斷矣。子貢執轡而問曰：夫子未見由之政而三稱其善，其善可得聞與？孔子曰：吾見其政矣。人其境，田疇盡易，草萊甚辟，溝洫深治，此其恭敬以信，故其民盡力也。人其邑，牆屋完固，樹木甚茂，此其忠信以寬，故其民不偷也。至其庭，庭甚清閒，諸下用命，此其明察以斷，故其政不擾也。以此觀之，雖三稱其善，庸盡其美乎？
家語辯政篇

子路鼓琴，孔子聞之，謂冉有曰：甚矣由之不才也。夫先王之制音也，中聲以爲節，流入于南，不歸于北。夫南者

四書人名考卷之十八

元

生育之鄉。北者殺伐之域。故君子之音溫柔居中，以養生育之氣。憂愁之感不加于心，暴厲之動不在於體。夫然者，乃所謂治安之風也。小人之音則不然，亢麗微末，以象殺伐之氣，中和之感不載於心，溫和之動不存於體。夫然者，乃所以爲亂亡之風。昔者舜彈五弦之琴，造南風之詩，其詩曰：南風之薰兮，可以解吾民之愠兮。南風之時兮，可以阜吾民之財兮。唯修此化，故其興也勃焉。德如泉流，至于今。王公大人述而弗忘，殷紂好爲北鄙之聲，其廢也忽焉。至于今，王公大人舉以爲誡，夫舜

起布衣。積德舍和而終以帝紂為天子。荒淫暴亂而終以亡。非各所修之致乎。由今也。匹夫之徒。曾無意於先王之制。而習亡國之聲。豈能保其六七尺之軀哉。冉有以告子路。子路懼而自悔。靜思不食。以至骨立。夫子曰。過而能改。其庶矣乎。家語辨樂篇

蒯瞶之亂。衛人狐鷹殺子路。子路之子崔。行往復仇。狐鷹知之。約戰于城西。持蒲弓木戟。與子崔戰而死。孝子傳

子路死。子曰噫。天祝予。春秋公羊傳

四書人名考卷之十八

三

子游孔子弟子。姓名偃。古論語訓

言偃。吳人。字子游。史記弟子傳

少孔子三十五歲。以文學著名。家語弟子解

先成其慮。及事而用之。故動則不妄。是言偃之行也。孔子曰。欲能則學。欲知則問。欲善則詳。欲給則豫。當是而行。偃也。得之矣。家語弟子行

今吳郡有言偃冢。史記索隱

常熟縣學吳公祠者。孔門高第弟子言偃子游之祀也。按太史公記孔門諸子多東州之士。獨公為吳人。而此

縣有巷名子游。有橋名文學。相傳至今。圖經又言公之故宅在縣西北。而舊井存焉。則今雖不復可見。而公爲此縣之人。蓋不誣矣。然自孔子之沒。以至於今。千有六百餘年。郡縣之學。通祀先聖。公雖以列得從。臘食而其鄉邑。乃未有能表其事而出之者。慶元三年七月。知縣事會稽孫應時。乃始卽其學宮講堂之東。偏作爲此堂。以奉祠事。而以書來曰。願有記也。某爲三代之前。帝王之興。率在中土。以故德行道藝之教。其行於道者。著而人之觀感。服習以入焉者。深若夫。句吳之墟。則在虞夏五服。是爲要荒之外。爰自太伯采藥荆蠻。始得其民。而端委以臨之。然亦僅沒其身。而虞仲之後。相傳累世。乃能有以自通於上國。其俗蓋亦朴鄙而不文矣。公生其間。乃獨能悅周公仲尼之道。而北學中國。身通受業。遂因文學以得聖人之一體。豈不可謂豪傑之士哉。今以論語考其語言。類皆簡易。疏通高暢宏達。其曰本之則無者。雖若見詘於子夏。然要爲知有本也。則其所謂文學。固皆有以異乎今世之文學矣。旣又考其行事。則武城之政。不小其邑。而必以詩書禮樂爲先務。其視有勇

知方足民之效。蓋有不足爲者。至使聖師爲之莞爾而笑。則其與之之意。豈淺淺哉。及其取人。則又以二事之細。而得減明之賢。亦其意氣之感。默有以相契者。以故近世論者。意其爲人。必敏於聞道。而不滯於形器。豈所謂南方之學。得其精華者。乃自古而已然也。耶。矧今全吳通爲畿輔。文物之盛。絕異曩時。孫君於此。又能舉千載之闕遺。稽古崇德。以勵其學者。則武城絃歌之意。於是乎在。故某喜聞其事。而樂爲之書。至於孔門設科之法。與公之言。所謂本。所謂道。及其所以取人者。則願諸

四書人名考

卷之十八

五

生相與勉焉。以進其實。使此邑之人。百世之下。復有如公者出。而又有以。爾夫。媮懦憚事。無廉恥而者。飲食之議焉。是則孫君之志。而亦某之願也。公之追爵自唐開元始。封吳侯。我朝政和禮書。已號丹陽公。而紹興御贊。猶有唐封。至淳熙間。所盼位次。又改稱吳公云。朱子大全集

子夏孔子弟子卜商也

古論語訓

卜商字子夏。少孔子四十四歲。

史記弟子傳

子夏之晉過衛。有讀史記者曰。晉師三豕涉河。子夏曰。

非也是已亥也夫已與三相近豕與亥相似至於晉而問之則曰晉師已亥涉河也呂氏春秋察傳篇

送迎必敬上夾下接若截焉是卜商之行也孔子說之以詩曰式夷式已無小人殆若商也其可謂不險矣家語弟子行

子夏貧衣若懸鵝人曰子何不仕曰諸侯之驕我者吾不為臣大夫之驕我者吾不復見荀子大略篇

孔子將行雨而無蓋門人曰商也有之孔子曰商之為人甚悛于財吾聞與人交推其長者違其短者故能

四書人名考卷之十八

久也家語致思篇

孔子既沒子夏居西河教授為魏文侯師其子死哭之失明史記弟子傳

按史記所書子夏少孔子四十四歲孔子卒時子夏年二十八矣是時周敬王四十一年後一年元王立歷貞定王考王至威烈王二十三年魏始為侯去孔子卒時七十五年文侯為大夫二十二年而為侯又十六年而卒始以始侯之年計之則子夏已百三歲矣方為諸侯師豈其然乎客齋續筆

子夏喪其子而喪其明。曾子弔之曰：吾聞之也。朋友喪明則哭之。曾子哭。子夏亦哭曰：天乎！予之無罪也。曾子怒曰：商女何無罪也？吾與女事夫子於洙泗之間，退而老於西河之上，使西河之民疑女於夫子，爾罪一也。喪爾親，使民未有聞焉，爾罪二也。喪爾子，喪爾明，爾罪三也。而曰爾何無罪與？子夏投其杖而拜曰：吾過矣，吾過矣。吾離羣而索居，亦已久矣。禮記檀弓上

詩書禮樂定自孔子發明章句。始於子夏。後漢書徐防傳

子夏文學著於四科。序詩傳易。又孔子以春秋屬商。又

四書人名考卷之十八

傳禮著在禮志。史記索隱

孔子弟子惟子夏於諸經獨有書。雖傳記雜言未可盡信。然要為與他人不同矣。於易則有傳。於詩則有序。而毛詩之學一云子夏授高行子。四傳而至小毛公。一云子夏傳曾申。五傳而至大毛公。於禮則有儀禮喪服一篇。馬融王肅諸儒多為之訓說。於春秋所云不能贊一辭。蓋亦嘗從事於斯矣。公羊高實受之於子夏。穀梁赤者風俗通亦云子夏門人。於論語則鄭康成以為仲弓子夏等所撰定也。容齋續筆

有子孔子弟子有若

古論語訓

有若魯人字子有少孔子三十三歲

家語弟子解

有子蓋既祥而繇屨組纓

禮記檀弓上

有子惡臥而焯掌可謂能自忍矣

荀子解蔽篇

有子問于曾子曰問喪於夫子乎曰聞之矣喪欲速貧死欲速朽有子曰是非君子之言也曾子曰參也聞諸夫子也有子曰是非君子之言也曾子曰參也與子游聞之有子曰然然則夫子有爲言之也曾子以斯言告於子游子游曰甚哉有子之言似夫子也昔者夫子

四書人名考卷之十八

三五

居于宋見桓司馬自爲石槨三年而不成夫子曰若是其靡也死不如速朽之愈也死之欲速朽爲桓司馬言之也南宮敬叔反必載寶而朝夫子曰若是其貨也喪不如速貧之愈也喪之欲速貧爲敬叔言之也曾子以子游之言告於有子有子曰然吾固曰非夫子之言也曾子曰何以知之有子曰夫子制于中都四寸之棺五寸之槨以斯知不欲速朽也昔者夫子失魯司寇將之荆蓋先之以子夏又申之以冉有以斯知不欲速貧也

禮記檀弓上

有若之喪。悼公弔焉。子游攬由左。禮記檀弓下

或問論語首篇之次章。卽述有子之言。而有子曾子獨以子稱何也。曰程子謂此書成於有子曾子之門人也。曰柳子謂孔子之歿。諸弟子以有子爲似夫子。立而師之。其後不能對諸子之問。乃叱避而退。則固嘗有師之號。是以稱子。其說非曲。曰非也。此太史公采雜說之謬。宋子京蘇子由辨之矣。孟子謂子夏子張子游以有若似聖人。欲以所事孔子事之。宋子云。蓋其言行氣象有似之者。如檀弓所記子游譜有若之言。似夫子之類是。

四書人名考 卷之十六

五

也。豈謂貌之似哉。曰有子不列於四科。其人品何如。曰宰我子貢有若。智足以知聖人。此孟子之言也。蓋在言語之科。宰我子貢之流亞也。曰朱子謂有子重厚和易。其然與。曰吳伐魯。微虎欲宵攻王舍。有若與焉。可謂勇於爲義矣。非但重厚和易而已也。曰有子曾子並稱。然斯道之傳。唯曾子得之。子思孟子之學。曾子之學也。而有子之學。無傳焉。何與。曰曾子守約而力行。有子知之而已。智足以知聖人。而末能力行也。困學紀聞

子張孔子弟子。姓顓孫。名師。字子張。論語註

顓孫師陳人字子張少孔子四十八歲史記弟子傳

美功不伐貴位不喜不侮不佚不傲無告是顓孫師之行也孔子言之曰其不伐則猶可能也其不弊百姓則仁也詩云豈弟君子民之父母夫子以其仁為大學之深家語弟子行

子夏既除喪而見予之琴和之而不和彈之而不成聲作而曰哀未忘也先王制禮而弗敢過也子張既除喪而見予之琴和之而和彈之而成聲作曰先王制禮不敢不至焉禮記檀弓上

四書人名考卷之十八

七

子張病召申祥而語之曰君子曰終小人曰死吾自其庶幾乎同上

子張死曾子有母之喪齊衰而往哭之或曰齊衰不以弔曾子曰我弔也與哉禮記檀弓下

子張之喪公明儀為志焉褚幕丹質蟻結于四隅殷士也禮記檀弓上

申祥子張子禮記註

太史公傳曰子張姓顓孫今日申祥周秦之聲二者相近未聞孰是同上

子思之哭嫂也為位婦人倡踊申祥之哭言思也亦然
禮記檀弓上

言思子游之子申祥妻之昆弟
禮記注

漆雕開孔子弟子漆雕姓開名
古論語訓

漆雕開蔡人字子若少孔子十一歲習尚書不樂仕
家語弟子解

語弟子解

佛肸以中牟叛漆雕刑殘
墨子非儒篇

南容孔子弟子南宮縚魯人也
王氏論語注

按史記南宮括字子容論語括作适家語南宮縚字子

四書人名考卷之十八

容鄭康成注檀弓稱南宮縚孟僖子之子南宮閱也字

子容其妻孔子兄女又稱南宮敬叔魯孟僖子之子仲

孫閱也左氏傳昭公七年孟僖子屬說與何忌於夫子

使事之杜預注云說南宮敬叔僖子之子然則括也适

也縚也說也閱也一子容而名有五也崇禎末夏宏基

輯孔門弟子傳畧以南宮縚适括字子容者為一人以

仲孫說閱謚敬叔者為一人至于說苑所載南宮邊子

謂是适字之譌然漢書古今人表既有南容又有南宮

敬叔又有南宮邊子顏師古注於南容則云南宮縚也

於敬叔則名南宮适也是縮與适适與邊子均未可混而爲一矣。曝書亭集

獨居思仁公言仁義其於詩也則一日三復白圭之玷是

南宮縮之行也孔子信其能仁以爲異士。家語弟子行

南宮縮之妻之姑之喪夫子誨之髮曰爾毋從從爾爾

母扈扈爾蓋榛以爲笄長尺而總八寸。禮記檀弓上

南宮适南宮敬叔魯大夫。古論語訓

南宮敬叔必載寶而朝夫子曰若是其貨也喪不如速

貧之愈也。禮記檀弓上

四書人名考卷之十八

三九

子賤魯人孔子弟子必不齊。古論語訓

必不齊字子賤少孔子四十九歲。史記弟子傳

處子賤卽處義之後俗字亦爲宓今兗州永昌郡城舊

單父地也東門有子賤碑漢世所立云濟南伏生卽子

賤之後是知處之與伏古來通字誤以爲宓較可知矣

顏氏家訓書證篇

家語少孔子三十歲此云四十九不同。史記索隱

子賤爲單父宰反命於孔子曰此國有賢不齊者五人教

不齊所以治者孔子曰惜哉不齊所治者小所治者大則

庶幾矣

史記弟子傳

宓子賤爲單父宰，辭于夫子。夫子曰：毋迎而距也，毋望而許也。許之則失守，距之則閉塞。譬如高山深淵，仰之不可極度之，不可測也。子賤曰：善，敢不承命乎？說苑

宓子賤爲單父宰，過于陽晝。曰：子亦有以送僕乎？陽晝曰：吾少也賤，不知治民之術。有釣道二焉，請以送子。子賤曰：釣道奈何？陽晝曰：夫扱綸錯餌，迎而吸之者，陽橋也。其爲魚也薄而不美，若存若亡。若食若不食者，魴也。其爲魚也博而厚味。宓子曰：善。於是未至單父，冠蓋迎

四書人名考卷之十六

學

之者，交接於道。子賤曰：車驅之，車驅之，夫陽晝之所謂陽橋者至矣。於是至單父，請其耆老尊賢者而與之共治單父。同上

宓子賤治亶父，恐魯君之聽讒人而令已不得行其術也，將辭而行。請近吏二人於魯君，與之俱。至於亶父，邑吏皆朝。子賤令吏二人書，吏方將書，宓子賤從旁時掣，搖其肘，吏書之不善，則宓子賤爲之怒，吏甚患之，辭而請歸。宓子賤曰：子之書甚不善，子勉歸矣。二吏歸報於君曰：宓子不可爲書。君曰：何故？吏對曰：宓子使臣書而

時掣搖臣之肘書惡而又甚怒吏皆笑宓子此臣所以辭而歸也魯君太息而歎曰宓子以此諫寡人之不肖也寡人之亂宓子而令宓子不得行其術必數有之矣微二人寡人幾過遂發所愛而令之亶父告宓子曰自今以來亶父非寡人之有也子之有也有便於亶父者子決爲之矣五歲而言其要宓子敬諾乃得行其術於亶父三年巫馬旗短褐衣敝裘而往觀化於亶父見夜漁者得則舍之巫馬旗問焉曰漁爲得也今子得而舍之何也對曰宓子不欲人之取小魚也所舍者小魚也

四書人名考

卷之十八

聖

巫馬旗歸告孔子曰宓子之德至矣使民間行若有嚴刑於旁敢問宓子何以至於此孔子曰某嘗與之言曰誠乎此者刑乎彼宓子必行此術於亶父也

呂氏春秋

具備篇

赤孔子弟子公西華

論語解

公西赤字子華少孔子四十二歲

史記弟子傳

齋莊而能肅志通而好禮擯相兩君之事篤雅有節是公西赤之行也子曰禮經三百可免能也威儀三千則難也公西赤問曰何謂也子曰貌以儼禮以儼辭是謂難焉

衆人聞之，以爲成也。孔子語人曰：當賓客之事，則達矣。謂門人曰：二三子之欲學賓客之禮者，其於赤也。家語弟子行

公西華之養親也，若與朋友處，曾參之養親也，若事嚴

主烈君，其養一也。淮南子齊俗訓

澹臺姓，滅明名，字子羽。包氏論語章句

澹臺滅明，武城人，字子羽，少孔子三十九歲。史記弟子傳

貴之不喜，賤之不怒，苟利於民矣。廉於行己，其事上也。以

四書人名考 卷之十八

佑是澹臺滅明之行也。孔子曰：獨貴獨富，君子恥之。夫也

中之矣。家語弟子行

狀貌甚惡，欲事孔子。孔子以爲材薄，旣已受業，退而修

行。南游至江，從弟子三百人，設取予去就，名施乎諸侯。

孔子聞之，曰：吾以言取人，失之宰予；以貌取人，失之子

羽。史記弟子傳

家語：子羽有君子之容，而行不勝其貌。宰予有文雅之

辭，而智不充其辯。孔子曰：以容取人，則失之子羽；以言

取人，則失之宰予。今云滅明狀貌甚惡，則以子羽形陋。

也。正與家語相反。史記索隱

原憲孔子弟子原憲思字也。包氏論語章句

原憲字子思宋人少孔子三十六歲。家語弟子解

孔子卒原憲亡在草澤中子貢相衛而結駟連騎排藜藿人窮閭過謝原憲憲攝敝衣冠見子貢子貢恥之曰夫子豈病乎原憲曰吾聞之無財者謂之貧學道而不能行者謂之病若憲貧也非病也子貢慙不憚而去終身恥其言之過也。史記弟子傳

原憲居魯環堵之室茨以生草蓬戶不完桑以為樞而

四書人名考卷之十八

聖

甕牖二室褐以為塞上漏下濕匡坐而弦子貢乘大馬中紺而表素軒車不容巷往見原憲原憲華冠縱履杖藜而應門子貢曰嘻先生何病原憲應之曰憲聞之無財謂之貧學而不能行謂之病今憲貧也非病也子貢逡巡而有愧色原憲笑曰夫希世而行比周而友學以為人教以為己仁義之懸輿馬之飾憲不忍為也。莊子

讓王篇

公冶長孔子弟子魯人也姓公冶名長。古論詔訓

公冶長齊人字子長。史記弟子傳

名芝字子長

經典釋文

公冶長墓在城陽姑幕城東南五里所墓極高

博物志

舊說治長解禽語故繫之繚綫以其不經今不取也

論

語正義

柴孔子弟子高柴字子羔

論語集注

高柴字子羔少孔子三十歲子羔長不盈五尺受業孔

子孔子以為愚

史記弟子傳

自見孔子出入於戶未嘗越禮往來過之足不履影啓蟄

不殺方長不折執親之喪未嘗見齒是高羔之行也孔子

四書人名考

卷之十八

四書

曰柴於親喪則難能也啓蟄不殺則順人道方長不折則

恕仁也成湯養而以恕是以日躋

家語弟子行

高子臯之執親之喪也泣血三年未嘗見齒君子以為

難

禮記檀弓上

成人有其兄死而不為衰者聞子羔將為成宰遂為衰

成人曰蠶則績而蠶有匡范則冠而蟬有綏兄則死而

子臯為之衰

禮記檀弓下

子蒲卒哭者呼滅子臯曰若是野哉哭者改之

禮記檀

弓上

哀公問子羔曰子之食奚當對曰文公之下執事也禮記雜記下

季子皋葬其妻犯人之禾申祥以告曰請復之子皋曰孟氏不以其罪予朋友不以其弃予以吾為邑長於斯也買道而葬後難繼也禮記檀弓下

子羔之襲也蘇衣裳與稅衣纁衲為一素端一皮弁一爵弁一元冕一禮記雜記上

樊遲魯人孔子弟子樊須春秋經傳集解

樊須字子遲少孔子三十六歲史記弟子傳

四書人名考卷之十八

四十五

巫馬期孔子弟子名施古論語訓

巫馬施字子旗少孔子三十歲史記弟子傳

子路與巫馬期薪於韞邱之下陳之富人有處師氏者

脂車百乘觴於韞邱之下子路與巫馬期曰使子無忘

子之所知亦無進子之所能得此富終身無復見夫子

子為之乎巫馬期喟然仰天而歎闔然投鎌於地曰吾

嘗聞之夫子勇士不忘喪其元志士仁人不忘在溝壑

子不知予與試予與意者其志與子路心慚故負薪先

歸韓詩外傳

司馬牛，宋人孔子弟子，司馬犁。

古論語訓

司馬耕，字子牛，牛多言而躁。

史記弟子傳

牛桓，魁弟也。

春秋經傳集解

向魍，奔衛，司馬牛致其邑與珪焉，而適齊，向魍奔齊，陳

成子使為次卿，司馬牛又致其邑焉，而適吳，吳人惡之

而反，趙簡子召之，陳成子亦召之，卒于魯，郭門之外，阮

氏塋諸邱。

春秋左氏傳

子禽，弟子陳亢也。

論語注

陳亢，陳人，字子禽，少孔子四十歲。

家語弟子解

四書人名考 卷之十八

四六

按漢書古今人表，其孔門弟子甚略，獨陳子三見，一陳

亢，一陳子禽，居中，中一陳子亢，居中，下。

曝書亭集

陳子車死於衛，其妻與其家大夫謀以殉葬，定而后陳

子亢至，以告曰：夫子疾，莫養於下，請以殉葬，子亢曰：以

殉葬，非禮也。雖然，則彼疾當養者，孰若妻與？卒，得已，則

吾欲已，不得已，則吾欲以二子者之為之也。於是弗果

用。禮記檀弓下

子車，齊大夫，子亢，子車弟。

禮記注

琴張，孔子弟子，字子開，名牢。

春秋經傳集解

琴牢，衛人，字子開，一字子張。家語弟子解。

申枻，魯人。包氏論語章句

鄭康成云：蓋孔子弟子申續。史記云：申棠，字周。家語云：申續，字周也。經典釋文

今史記以棠為黨，家語以續為績，傳寫之誤也。後漢王政碑云：有羔羊之潔，無申棠之欲。則申棠申枻一人耳。困學紀聞

公伯寮，魯人，孔子弟子也。論語解

公伯僚，字子周。史記弟子傳

四書人名考 卷之十八

孺，魯人也。論語集解

恤由之喪，哀公使孺悲之孔子學士喪禮。士喪禮於是乎書。禮記雜記

士之喪禮已廢矣。孔子以教孺悲，國人乃復書而存之。禮記注

孔門自子夏兼通六藝而外，若子木之受易，子開之習書，子輿之述孝經，子貢之問樂，有若仲弓閔子騫言游之撰論語而傳士喪禮者，實孺悲之功也。曝書亭集

左邱明，魯太史。古論語訓

按司馬遷報任少卿書左邱失明厥有國語應劭風俗通邱姓魯左邱明之後則左邱爲複姓甚明

曝書亭集

孔子將修春秋與左邱明乘如周觀書于周史歸而修春秋之經邱明爲之傳共爲表裏

嚴氏春秋引觀周篇

孔子西觀周室論史記舊聞興於魯而次春秋七十子之徒口受其傳指魯君子左邱明懼弟子人人異端各安其意失其真故因孔子史記具論其語成左氏春秋

史記十二諸侯年表序

左邱明好惡與聖人同親見夫子而公穀在七十子之

四書人名考卷之十八

吳

後傳聞之與親見其詳略不同也

漢書楚元王傳

左邱明受經於仲尼以爲經者不刊之書也故傳或先經以始事或後經以終義或依經以辯理或錯經以合異隨義而發

春秋經傳集解序

仲尼自衛反魯修春秋立素王邱明爲素臣

同上

林放魯人

論語注

按家語弟子解史記弟子傳均無林放姓名惟蜀禮殿

圖有之

曝書亭集

牧皮事孔子學者

孟子注

顏讐由衛賢大夫同上

按史記云孔子自魯適衛主於子路妻兄顏濁鄒家是則顏讐由卽濁鄒也孟子正義

孔子以詩書禮樂教弟子蓋三千焉身通六藝者七十有二人如顏濁鄒之徒頗受業者甚衆史記孔子世家

濁音卓鄒音聚顏濁鄒非七十七人數也史記正義

顏涿聚梁父之大盜也學於孔子田此爲天下名士顯人以終其壽呂氏春秋尊師篇

哀公二十三年夏六月晉荀瑤伐齊高無丕帥師禦之

四書人名考卷之十八

聖九

戰於犁邱齊師敗績知伯親禽顏庚春秋左氏傳

顏庚齊大夫顏涿聚春秋經傳集解

二十七年晉荀瑤帥師伐鄭鄭駟宏請救于齊齊師將興陳成子屬孤子三日朝設乘車兩馬繫五邑焉召顏

涿聚之子晉曰隰之役而父死焉以國之多難未女恤也今君命女以是邑也服車而朝毋廢前勞乃救鄭同上

上

漢書古今人表於孔子弟子居第二等者左邱明顏淵閔子騫冉伯牛仲弓居第三等者宰我子貢冉有季路子游

子夏曾子子張曾皙子贖南容公冶長公西華有若漆雕
啓澹臺滅明樊遲巫馬期司馬牛子羔原憲顏路居第四
等者孟懿子南宮敬叔公伯寮琴牢居第五等者顏濁鄒
陳亢林放申振子服景伯

騷書亭集

仲尼志意不立子路侍儀服不修公西華侍禮不習子
貢侍辭不辨宰我侍亡忽古今顏回侍節小物冉伯牛
侍曰吾以夫六子自厲也

文王胥附奔轅先後禦侮謂之四隣以免乎牖里之害
懿子曰夫子亦有四隣乎孔子曰文王得四臣某亦得

騷書人名考

卷之十八

五

四友焉自吾得回也門人加親是非胥附邪自吾得賜
也遠方之士日至是非奔轅邪自吾得師也前有光後
有輝是非先後邪自吾得由也惡言不至於門是非禦
侮邪

尚書大傳

子夏門孔子曰顏回之爲人奚若子曰回之仁賢子某
也曰子貢之爲人奚若子曰賜之辨賢子回也曰子路
之爲人奚若子曰由之勇賢子某也曰子張之爲人奚
若子曰師之莊賢子某也子夏避席而問曰然則四子
者何爲事夫子曰居吾語女夫回能言而不能反賜能

辨而不能訥由能勇而不能怯師能莊而不能同兼四
子之有以易吾吾弗許也此其所以事吾而不貳也列
子仲尼篇

圖書人名考卷之十八

四書人名考目錄

卷十九

孔子門人

子思 陽膚 子襄 公明儀 公明高
沈猶行 曾西 段干木 陳良 陳相子

孟子

孟子弟子

樂正子 公孫丑 孟仲子 陳臻
公都子 充虞 徐辟 陳代 彭更

萬章

咸邱蒙

告子

屋廬子

臧文

桃應

高子

盆成括

匡章

曹交

四書人名考 卷之十九

卷二十

逸民

吳端

雜傳

逸民

伯夷叔齊 虞仲 夷逸

朱張 柳下惠
少連 長沮桀溺 丈人 石門 荷蕢

儀封人

楚狂接輿

亥唐

徵生畝

徵生高

澠柳

陳仲子

異端

子桑伯子 原壤

楊朱 墨翟 夷之

慎子 子莫 宋牼 宋句踐 景春 周霄

白圭

許行

雜傳

離婁

龍子

周任

樂正裘

攸仲

美巷黨人 師擊 亞飯干 三飯幹

師飯餘 方叔 武 陽 襄 師免

尹公佗 庚公之斯 棘子成 僕 公孫朝

公明賈 北宮錡 北宮黶 王豹 子都

子濯孺子 嬖奚 佛肸 伯氏 成魄

瘠環 縣駒 王子墊 胡嚙 莊暴

車郭氏 景五氏 孔距心 蜚蠊 王驪

沈回 陳賈 時子 陳戴 公行子 儲子

尹士 顏般 王順 然友 畢戰 貉稽

四書人名考 卷之十九

奕秋 烏獲 孟賈 孟施舍 馮婦 盜跖

孔子四人

子思

陽膚

子襄

公明儀

公明高長志 沈猶行

會西

段干木

高子見後

蘧良陳桓陳

盆成括見後

受業者為弟子。受業于弟子者為門人。集古錄

孔子之後，儒分為八。有子張氏、子思氏、顏氏、孟氏、漆雕氏、

仲良氏、公孫氏、樂正氏之儒。韓非子

第佗其冠，神禱其辭，禹行而舜趨，是子張氏之賤儒也。正

其衣冠，齊其顏色，嗛然而終日不言，是子夏氏之賤儒也。

四書人名考 卷之十九

偷儒憚事無廉恥而者，飲食必曰：「君子固不用力。」是子游

氏之賤儒也。荀子非十二子篇

顏氏傳詩為道，為諷諫之儒；孟氏傳書為道，為疏通致遠

之儒；漆雕氏傳禮為道，為恭儉莊敬之儒；仲良氏傳樂為

道，以和陰陽為移風易俗之儒；樂正氏傳春秋為道，為屬

辭比事之儒。公孫氏傳易為道，為潔靜精微之儒。聖賢羣

輔錄

吾常以為孔子之道大而能博，門弟子不能徧觀而盡識也。故學焉而皆得其性之所近，其後雖散分處諸侯。

之國又各以所能授弟子。原遠而未益分。蓋子夏之學其後有田子方。子方之後流而爲莊周。故周之書喜稱子方之爲人。苟卿之書語聖人必曰孔子子弓。子弓之事業不傳。惟太史公書弟子傳有姓名。字曰駢臂子弓。子弓受易于商瞿。孟軻師子思。子思之學蓋出於曾子。自孔子沒。羣弟子莫不有書。獨孟軻氏之傳得其宗。故吾少而樂觀焉。昌黎集

子思孔子孫伯魚之子。禮記注

伯魚生伋。字子思。年六十二。史記孔子世家

四書人名考卷之十九

二

子思受業於曾子。孔叢

子思之母死於衛。起於子思。子思哭於廟門人至曰。庶氏之母死。何爲哭於孔氏之廟乎。子思曰。吾過矣。吾過矣。遂哭於他室。禮記檀弓下

子思之母死於衛。柳若謂子思曰。子聖人之後也。四方於子乎。觀禮子蓋慎。諸子思曰。吾何慎哉。吾聞之。有其禮。無其財。君子弗行也。有其禮。有其財。無其時。君子弗行也。吾何慎哉。禮記檀弓上

子上之母死而不喪。門人問諸子思曰。昔者子之先君

子張出母乎。曰然。子之不使白也。喪之何也。子思曰。昔者聖先君子無所失道。道隆則從而隆。道汙則從而汙。伋則安能爲伋也。妻者是爲白也。母不爲伋也。妻者是不爲白也。母故孔氏之喪。出母自子思始也。同上

子上孔子曾孫子思伋之子名白。禮記注

嘗困於宋。子思作中庸。史記孔子世家

子思年十六適宋。宋大夫樂朔與之言學焉。朔曰。尚書虞夏數四篇善也。下此以訖于秦。費效堯舜之言耳。殊不知也。子思答曰。事變有極。正自當耳。假令周公堯舜

四書人名考卷之十九

三

不更時異處。其書同矣。樂朔曰。凡書之作。欲以喻民也。簡易爲上。而乃故作難知之辭。不亦繁乎。子思曰。書之意。兼復深奧。訓詁成義。古人所以爲典雅也。曰昔魯委巷。有似君之言者。伋笑之曰。道爲知者傳。苟非其人。道不傳矣。今君何似之甚也。樂朔不悅而退。曰。孺子辱吾。其徒曰魯。雖以宋爲舊。然世有讐焉。請攻之。遂圍子思。宋君聞之。不待駕而救。子思子思旣免。曰。文王困於羗里。作周易。祖君屈子。陳蔡作春秋。吾困於宋。可無作也。於是撰中庸之書四十九篇。孔叢

子思居於衛，緼袍無表，二旬而九食。田子方使人遺狐白之裘，恐其不受，因謂之曰：「吾假人遂忘之，吾與人也如弃之。」子思辭而不受。子方曰：「我有子無，何故不受？」子思曰：「彼聞之妄與，不如遺弃物于溝壑，彼雖貧也不忍以身爲溝壑，是以不敢當也。」說苑立節篇

子思居貧，其友有饋之粟者，受一車焉。或獻尊酒，束修子思弗爲當也。或曰：「子取人粟而辭，吾酒脯是辭少而取多也。於義則無名，于分則不全，而子行之，何也？」子思曰：「然，仍不幸而貧於財，至乃困乏，將恐絕先人之祀，夫

四書人名考卷之十九

四

以受粟爲周之也。酒脯則所以飲宴也，方乏於食而乃飲，寡非義也。吾豈以爲分哉？度義而行也。或者擔其酒脯以歸。」孔叢

子思自齊反衛，衛君館而問焉，曰：「先生魯國之士，然不以衛之褊小，猶步玉趾而慰存之，願有賜於寡人也。」子思曰：「臣羈旅於此，而辱君之威尊，亟臨葦門，其榮多矣。欲報君以財幣，則君之府藏已盈，而彼又貧，欲報君以善言，恐未合君志，而徒言不聽也。顧未有可以報君者，惟進賢爾。」衛君曰：「賢固寡人之所願也。」子思曰：「未審君

之願將何以爲君曰必用以治政子思曰君弗能也君曰何故答曰衛國非無賢才之上而君未有善政是賢才不見能用故也君曰雖然願聞先生所以爲賢者答曰君將以名取士耶以實取士耶君曰必以實子思曰衛之東境有李音者賢而有實者也君曰其從祖何也答曰世農夫也衛君乃胡盧大笑曰寡人不好農農夫之子無所用之且世臣之子未悉官之子思曰臣稱李音稱其賢才也君言世臣之子未悉官之則臣所謂有賢才而不見用果信矣臣之問君固疑君之取士不以

四書人名考卷之十九

五

實也衛君屈而無辭同上

子思居衛言苟變于衛侯曰其材可將五百乘君任軍旅率得此人則無敵于天下矣衛君曰吾知其材可將然變也嘗爲吏賦於民而食人二雞子以故弗用也子思曰夫聖人之官人猶大匠之用木也取其所長棄其所短故杞梓連抱而有數尺之朽良工不棄何也知其所妨者細也今君處戰國之世選爪牙之士而以二卵棄千城之將此不可使聞于鄰國者也衛君再拜曰謹受教矣同上

子思謂衛君曰君之國事將日非矣君曰何故對曰有由然焉君出言皆自以為是而卿大夫莫敢矯其非卿大夫出言亦皆自以為是而士庶莫敢矯其非君臣既自賢矣而羣下同聲賢之賢之則順而有福矯之則逆而有禍故使如此如此則善安從生詩曰具曰予聖誰知烏之雌雄抑亦似衛之君臣乎同上

陽膚曾子弟子論語章句

子襄曾子弟子也孟子注

公明儀子張弟子又為曾子弟子禮記正義

四書人名考卷之十九

六

公明高曾子弟子長息公明高弟子孟子注

沈猶行曾子弟子同上

按廣韻注沈直深切漢復姓魯有沈猶氏常朝飲其羊

不當從上聲讀曝書亭集

曾西曾參之子受詩於子夏經典釋文

曾西趙岐注以為曾子之孫集注因之經典序錄曾中

字子西曾參之子楚鬬宜申公子申皆字子西則曾西

之為曾申無疑困學紀聞

左邱明授春秋於曾申別錄

子夏以詩傳曾申左邱明作傳以授曾申曾西之學於此可考。函學紀聞

段干木晉國之大黜也學於子夏

呂氏春秋尊賢篇

段干氏初邑段後邑干因邑爲氏魏世家有段干子田世家有段干期而風俗通氏姓注乃以爲姓段名干木以呂氏春秋干木光於德與魏都賦干木之德之言誤之唐百官表遂謂封段而爲干木大夫疎矣幽通賦云木偃息以藩魏干木豈其名哉。路史

魏文侯十八年受經子夏過段干木之廬常式

史記十二

四書人名考卷之十九

諸侯年表

七

魏文侯過段干木之閭而軾之其僕曰君胡爲軾曰此非段干木之閭與段干木蓋賢者也吾安敢不軾且吾聞段干木未嘗肯以已易寡人也吾安敢驕之段干木光乎德寡人光乎地段干木富乎義寡人富乎財其僕曰然則君何不相之於是君請相之段干木不肯受則君乃致祿百萬而時往館之於是國人皆喜相與誦之曰吾君好正段干木之敬吾君好忠段干木之隆居無幾何秦興兵欲攻魏司馬唐諫秦君曰段干木賢者也

而魏禮之天下莫不聞無乃不可加兵乎秦君以爲然乃按兵輟不敢攻之

呂氏春秋期賢篇

魏文侯見段干木立倦而不敢息反見翟璜踞於堂而與之言翟璜不說文侯曰段干木官之則不肯祿之則不受今女欲官則相位欲祿則上卿既受吾實又責吾禮無乃難乎

呂氏春秋下賢篇

河水自河北城南東逕芮城二城之中有段干木冢干木晉之賢人也魏文侯過其門軾其廬所謂德尊萬古

芳越來今矣

水經注

四書人名考卷之十九

八

陳良儒者也陳相良之門徒也辛相弟

孟子注

孟子

孟子，鄒人也，名軻，字則未聞也。孟子題辭

軻，字子輿。史記正義

鄒，本春秋邾子之國，至孟子時改曰鄒矣。國近魯，為魯所并。又言邾為楚所并，非魯也。今鄒縣是也。或曰：孟子，魯公族孟孫之後，故孟子仕於齊，喪母而歸葬於魯也。
三桓子孫既以衰微分適他國。孟子題辭

孟子生有淑質，夙喪其父，幼被慈母三遷之教，長師孔子之孫子思治儒術之道，通五經，尤長於詩書。同上

四書人名考卷之十九

九

鄒孟軻之母也，號孟母。其舍近墓，孟子之少也，嬉遊為墓間之事，踴躍堊埋。孟母曰：此非吾所以處子也。乃去舍市傍，其嬉戲為賈人銜賈之事。孟母又曰：此非吾所以處子也。復徙舍學宮之傍，其嬉戲乃設俎豆揖讓進退。孟母曰：此真可以居吾子矣。遂居之。列女傳

孟子少時，東家殺豚，孟子問其母曰：東家殺豚，何為母曰：欲啗女。其母自嘆而言曰：吾懷妊是子，席不正不坐，割不正不食，胎教之也。今適有知而欺之，是教之不信也。乃買東家豚肉以食之，明不欺也。韓詩外傳

受業子思之門人

史記孟荀傳

王劭以人為衍字則以軻親受業孔伋之門也

史記

鹽

孟子少時誦其母方織孟子輟然中止乃復進其母知其誼也呼而問之曰何為中止對曰有所失復得其母引刀裂其織以此誡之自是之後孟子不復誼矣

韓詩

外傳

孟子妻獨居踞孟子入戶視之白其母曰婦無禮請去之母曰何也曰踞其母曰何知之孟子曰我親見之母

四書人名考卷之十九

十

曰乃汝無禮也非婦無禮禮不云乎將入門將上堂聲必揚將入戶視必下不掩人之備也今汝往燕私之處入戶不有聲令人踞而視之是汝之無禮也於是孟子自責不敢去婦

同上

道既通游事齊宣王宣王不能用適梁梁惠王不果所言則見以為迂濶而遠於事情當是之時秦用商君富國強兵楚魏用吳起戰勝弱敵齊威王宣王用孫子田忌之徒而諸侯東面朝齊天下方務於合從連衡以攻伐為賢而孟軻乃述唐虞三代之德是以所知者不合退而與萬章

之徒。序詩書。述仲尼之意。孟子七篇。史記孟荀傳。

周衰之末，戰國縱橫，用兵爭強，以相侵奪。當世取士，務先權謀，以爲上賢。先王六道，陵遲墮廢，異端並起。若楊朱墨翟，放蕩之言，以干時惑衆者，非一。孟子閔悼堯舜，湯文周孔之業，將遂湮微，正塗壅底，仁義荒怠，佞僞馳騁，紅紫亂朱。於是則慕仲尼，周流憂世，遂以儒道遊於諸侯，思濟斯民。然由不肯枉尺直尋，時君咸謂之迂闊。於事終莫能聽納。其說孟子亦自知遭蒼姬之訖錄，值炎劉之未奮，進不得佐輔，唐虞雍熙之和，退不能信三

四書人名考卷之十九

十一

代之餘風，恥沒世而無聞焉。是故垂憲言以詒後人。仲尼有云：我欲託之空言，不如載之行事之深切著明也。於是退而論集，所與高第弟子公孫丑、萬章之徒，難疑答問，又自撰其法度之言者，書七篇二百六十一章。三萬四千六百八十五字。包羅天地，揆叙萬類，仁義道德，性命禍福，粲然靡所不載。帝王公侯遵之，則可以致隆；千頌清廟，卿士大夫蹈之，則可以尊君父、立忠信、守志厲操者，儀之則可以崇高節、抗浮雲、有風人之託物、二雅之正言，可謂直而不倨，曲而不屈，命世亞聖之大材。

者也。孟子題辭

古者楊墨塞路。孟子辭而闢之。廓如也。法言吾子篇
或問孟子知言之要。知德之興。曰非苟知之。亦允蹈之。
或曰子小諸子。孟子非諸子乎。曰諸子者以其知異於
孔子者也。孟子異乎不異。法言君子篇

言人名考
卷之十九

三

孟子弟子

樂正子

公孫丑

孟仲子

陳臻

公都子

充虞

徐辟

陳代

彭更

萬章

咸邱蒙

告子

屋廬子

滕更

桃應

高子

盆成括

匡章

曹交

趙岐注孟子以季孫子叔二人為孟子弟子孫宣公頑猶

因其說自朱子集註出乃始非之世莫有從趙氏之說者

矣元吳棫撰孟子列傳書雖不傳序稱一十九人則未嘗

四書人名考卷之十九

十三

去季孫子叔益以滕更適合十九人之數

曝書亭集

史記索隱曰孟子有萬章公明高等並軻之門人廣韻

又云離婁孟子門人不知其何所本

日知錄

樂正姓也子通稱孟子弟子也克樂正子名也

孟子注

公孫姓丑名孟子弟子也

同上

孟仲子孟子之從昆弟從學於孟子者也

同上

毛詩者一云子夏傳曾申申傳魏人李克克仲魯人孟

仲子

經典釋文

孟仲子曰天哉天命之無極而美周之禮也

詩經卷之

孟仲子曰是裸宮也。詩闕宮毛傳

陳臻孟子弟子。孟子注

公都孟子弟子。同上

充虞孟子弟子。同上

徐辟孟子弟子。同上

陳代孟子弟子。同上

彭更孟子弟子。同上

萬章孟子弟子也。同上

四書人名考卷之十九

咸邱蒙孟子弟子也。同上

告姓也。子男子之通稱也。名不害兼治儒墨之道。告學於

孟子而未能純徹性命之理。同上

盡心篇有浩生不害疑為告子。姓告名不害以浩生為

字。趙注又云浩生名不害又為二人。孟子正義

文選陳孔璋為曹洪書云有子勝斐然之志注引墨子

曰二三子復於子墨子曰告子勝仁子墨子曰未必然

也告子為仁猶跛以為長偃以為廣不可久也勝蓋告

子之名豈即孟子所謂告子與。困學紀聞

屋廬子孟子弟子連屋廬子名也孟子注

滕更滕君之弟來學于孟子同上

桃應孟子弟子同上

高子齊人嘗學於孟子同上

子夏授詩於高行子毛詩譜

高行子卽詩序及孟子所謂高子也困學紀聞

高子曰靈星之尸也毛詩序

高子曰娶乎夫人者略之也春秋公羊傳

高子問于孟子曰夫嫁娶者非已所自親也衛女何以

四書人名考卷之十九

五

編于詩也孟子曰有衛女之志則可無衛女之志則意

夫道二常之謂經變之謂權惟懷其常道而挾其變權

乃得爲賢夫衛女行中孝慮中聖權如之何韓詩外傳

盆成姓适名也嘗欲學於孟子問道未達而去後仕於齊

孟子注

景公宿於路寢之宮夜分聞西方有男子哭者公悲之

明日朝問於晏子晏子對曰西郭徒居布衣之士盆成

适也父之孝子兄之順弟也又嘗爲孔子門人今其母

不幸而死耐柩未葬家貧身老子孺恐力不能合耐是

以悲也。公曰：子爲寡人弔之，嬰往弔。咎公不辱臨，公使男子袒免，女子髮笄，開凶門而迎。迺晏子春秋

迺與景公同時，不當與孟子弟子之列。趙注言括嘗欲學于孟子，亦疑辭也。曝書亭集

匡章，孟子弟子也。呂氏春秋注

匡章，齊人也。孟子注

秦假道韓魏以攻齊，齊威王使章子將而應之，與秦交和而舍使者數相往來。章子爲變其微章以雜秦軍，候者言章子以齊入秦，威王不應。頃聞候者復言章子以

四書人名考 卷之十九

十一

齊兵降秦，威王不應。如此者三，有司請曰：言章子之敗者，異人而同辭，王何不廢將而擊之？王曰：此不叛寡人明矣。曷爲而擊之？頃聞言齊兵大勝秦兵，大敗於是。秦王稱西藩之臣而謝於齊，左右曰：何以知之？曰：章子之母，敢得罪其父，其父殺之而埋馬棧之下。吾使章子將也，勉之曰：夫子之強，全兵而還，必更整將軍之母，對曰：臣非不能更葬先妾也。臣之母，敢得罪臣之父，臣之父未教而死，夫不得父之教而更葬母，是欺死父也。故不敢，夫爲人子而不欺死父，豈爲人臣欺生君哉。戰國策

章子通國稱不孝，孟子以為子父責善而不相遇者，恐因此事也。戰國策補正

曹交曹君之弟。孟子注

按左傳哀公八年宋滅曹，至孟子時曹亡久矣。曹交蓋以國為氏者。國學紀聞

漢書古今人表：孟子居第二等，其弟子公孫丑居第三等。

萬章樂正子告子高子居第四等，徐子居第五等，餘不與

焉。曝書亭集

四書人名考 卷之十九



[Faint bleed-through text from the reverse side of the page, including characters like '孟子', '公孫丑', and '徐子']

逸民

伯夷

叔齊

虞仲

夷逸

朱張

柳下惠

少連

長沮

桀溺

丈人

石門

荷蕢

儀封人

楚狂接輿

亥唐

微生畝

微生高

泄柳

陳仲子

逸民者，節行超逸也。

論語集解

作者七人，伯夷、叔齊、虞仲、夷逸、朱張、柳下惠、少連。

論語釋

四書人名考 卷之二十

七人，謂長沮、桀溺、丈人、石門、荷簣、儀封人、楚狂接輿。論語

章句

伯夷、叔齊，孤竹君之二子，孤竹，國名。

古論語訓

伯夷，姓墨，名允，字公信，伯長也。夷，謚。叔齊，名智，字公達。

伯夷之弟，齊亦謚也。春秋少陽篇

其傳曰：伯夷、叔齊，孤竹君之二子也。父欲立叔齊，及父卒，叔齊讓伯夷，伯夷曰：父命也。遂逃去。叔齊亦不肯立而逃之。國人立其中子。於是伯夷、叔齊聞西伯昌善養老，益往歸焉。及至西伯卒，武王載木主，號為文王，東伐紂，伯夷叔

齊扣馬而諫曰父死不葬爰及于戈可謂孝乎以臣弑君可謂仁乎左右欲兵之太公曰此義人也扶而去之武王已平殷亂天下宗周而伯夷叔齊耻之義不食周粟隱於首陽山采薇而食之及餓且死作歌其辭曰登彼西山兮采其薇矣以暴易暴兮不知其非矣神農虞夏忽焉沒兮我安適歸矣吁嗟徂兮命之衰矣遂餓死於首陽山

史記

列傳

昔周之興有士二人處于孤竹曰伯夷叔齊二人相謂曰吾聞西方有人似有道者試往觀焉至于岐陽武王

四書人名考卷之二十

二

聞之使叔旦往見之與之盟曰加富二等就官一列血牲而理之二人相視而笑曰嘻異哉此非吾所謂道也昔者神農之有天下也時祀盡敬而不祈喜其子人也忠信盡治而無求焉樂與政爲政樂與治爲治不以人之壞自成也不以人之卑自高也不以遭時自利也今周見殷之亂而遽爲政上謀而下行貨阻兵而保威割牲而盟以爲信揚行以說衆殺伐以要利是推亂以易暴也吾聞古之士遭治世不避其任遇亂世不爲苟存今天下闇周德衰其並乎周以塗吾身也不如避之以

潔吾行。二子北至于首陽之山，遂餓而死焉。莊子讓王篇
呂氏春秋誠廉篇同

夷齊居首陽，采薇而食，採葛而衣。韓子通解

伯夷死名於首陽之下。莊子駢拇篇

伯夷以將軍葬于首陽山之下。韓非子

士之特立獨行，適于義而已，不顧人之是非，皆豪傑之士。信道篤而自知明者也。一家非之，力行而不惑者寡矣。至于一國一州非之，力行而不惑者，蓋天下一人而已矣。若至于舉世非之，力行而不惑者，則千百年乃一

四書人名考 卷之二十

三

人而已耳。若伯夷者，窮天地亘萬世而不顧者也。昭乎日月，不足爲明；崒乎泰山，不足爲高；巍乎天地，不足爲容也。當殷之亡，周之興，微子賢也，抱祭器而去之；武王周公聖也，從天下之賢士與天下之諸侯而往攻之，未嘗聞有非之者也。彼伯夷叔齊者，乃獨以爲不可，殷既滅矣，天下宗周，彼二子乃獨耻食其粟，餓死而不顧，由是而言，夫豈有求而爲哉？信道篤而自知明也。今世之所謂士者，一凡人譽之，則自以爲有餘；一凡人沮之，則自以爲不足。彼獨非聖人而自是如是，夫聖人乃萬世

之標準也。予故曰若伯夷者特立獨行窮天地亘萬世而不顧者也。雖然微二子亂臣賊子接迹於後世矣。目

虞仲卽仲雍與泰伯同竄荆蠻者

論語集注

左傳曰太伯虞仲太王之昭則虞仲是太王之子必也。又論語稱虞仲夷逸隱居放言是仲雍稱虞仲。史記索隱

史記太伯之奔荆蠻自號勾吳荆蠻義之從而歸之于餘家立爲吳太伯太伯卒無子弟仲雍立是爲吳仲雍

四書人名考卷之二十一

四

仲雍卒子季簡立季簡卒子叔達立叔達卒子周章立是時周武王克殷求太伯仲雍之後得周章周章已君吳因而封之乃封周章弟虞仲于周之北故夏虛是爲虞仲按此則仲雍爲吳仲雍而虞仲者仲雍之曾孫也殷時諸侯有虞國詩所云虞芮質厥成者武王時國滅而封周章之弟於其故墟乃有虞仲之名耳論語逸民虞仲夷逸左傳太伯虞仲太王之昭也卽謂仲雍爲虞仲是祖孫同號且仲雍君吳不當言虞古吳虞二字多通用竊疑二書所稱虞仲並是吳仲之誤又攷吳越春

秋太伯曰其當有封者吳仲也則仲雍之稱吳仲固有

徵矣日知錄

吳孰哉居藩籬世木居籬

孰哉仲雍字藩籬今吳之餘暨也世本注

太伯端委以治周禮仲雍嗣之斷髮文身裸以為飾春秋

左氏傳

夷逸者夷詭諸之裔或勸其仕曰吾譬則牛也寧服軛以

耕於野不忍被繮入廟而為犧尺子

朱張字子弓苟卿比孔子論語釋疑

四書人名考卷之二十

五

韓子曰仲尼弟子有馯臂子弓漢儒林傳商瞿受易仲

尼瞿傳魯僂疵子庸子庸傳江東馯臂子弓子弓與仲

尼不同時又行事無大卓卓不足以配孔子邢昺論語

疏引王弼說逸民朱張字子弓然弼說又不見有他據

也吳淵賴集

柳下惠魯公族大夫也姓展名禽字季柳下是其號也疏

子注

展禽魯大夫展無駭之後柳下惠也字季禽國語解

孝恭慈仁允德圖義約貨去怨輕財不置蓋柳下惠之行

也家語弟子行

柳下惠與後門者同衣而不見疑非一日之聞也荀子

大畧篇

柳下惠嫗不逮門之女國人不稱其亂詩毛傳

昔者柳下惠吏於魯三黜而不去或謂之曰可以去柳下

惠曰苟與人之異惡往而不黜乎猶且黜乎寧於故國爾

柳下惠不以三黜自累故前業不忘不以去為心故遠近

無議戰國策

齊攻魯求岑鼎魯君載他鼎以往齊侯弗信而反之為

四書人名考卷之二十

六

非使人告魯侯曰柳下季以為是謊因受之魯君請于

柳下季柳下季來曰君之賂以欲岑鼎也以免國也臣

亦有國於此破臣之國以免君之國此臣之所難也於

是魯君乃以真岑鼎往也呂氏春秋審已篇

昔者魯君問柳下惠吾欲伐齊何如柳下惠曰不可歸

而有憂色曰吾聞伐國不問仁人此言何為至於此哉

漢書董仲舒傳

柳下既死將誅之妻曰將誅夫子之德耶則二三子不

如妾之知也乃誅曰天子之不伐兮夫子之不竭兮夫

子之信誠而與人無害，今屈柔從容，不強察，今蒙耻救民德，彌大兮。雖遇三黜，材不蔽兮。愷悌君子，永能厲兮。嗟乎惜哉，乃下世兮。庶幾遐年，今遂逝兮。嗚乎哀哉，魂神泄兮。夫子之諡，宜爲惠兮。門人從之，以爲諱。列女傳昔者秦攻齊，令有敢去柳下季壟五十步而樵採者，死不赦。戰國策

少連、東夷人。論語集註

子貢問曰：聞諸晏子，少連大連善居喪，其有異稱乎？孔子曰：父母之喪，三日不怠，三月不解，期悲哀，三年憂，東

四書人名考 卷之二十

七

夷之子，達於禮者也。家語。禮記雜記下畧同。

長沮桀溺，隱者也。鄭氏論語註

方城西有黃城山，是長沮桀溺耦耕之所。有東流水，則子路問津處。聖賢家墓記

方城在葉縣郡國志，葉縣有長城，曰方城，楚邑也。楚狂接輿，並耕沮溺，荷篠丈人，一時在野之賢。萃于楚國，聖人晚年眷眷於楚，有以也。困學紀聞

荷篠丈人，不知何許人也。高士傳

丈人，老人也。包氏論語章句

石門守者魯人也避世不仕自隱姓名爲魯守石門主晨

夜開閉高士傳

晨門者闔人也論語集解

石門魯城外門也鄭氏論語

荷蕢者衛人也避亂不仕匿姓名高士傳

此荷蕢者亦隱士也論語集註

儀衛邑封人掌封疆之官蓋賢而隱於下位者也同上

左傳言潁谷封人祭仲足爲祭封人宋高哀爲蕭封人

此云儀封人皆以地名封人蓋職典封疆居在邊邑類

四書人名考卷之二十一

谷儀祭皆是國之邊邑也論語正義

接輿楚人古論語訓

姓陸名通字接輿也論語正義

楚狂接輿耕於方城尸子

箕子接輿漆身而爲厲被髮而爲狂戰國策

楚狂接輿躬耕以食其妻之市未返楚王使使者齎金

百鎰造門曰大王使臣奉金百鎰願請先生治河南接

輿笑而不應使者遂不得辭而去妻從市而來曰先生

少而爲義豈將老而遺之哉門外車軼何其深也接輿

曰今者王使使者齎金百鎰欲使我治河南其妻曰豈許之乎曰未也妻曰君使不從非忠也從之是遺義也不如去之乃夫負釜甌妻戴織器變易姓字莫知其所之韓詩外傳

孔子適楚狂接輿遊其門曰鳳兮鳳兮何如德之衰也來世不可待往世不可追也天下有道聖人成焉天下無道聖人生焉方今之時僅免刑焉福輕乎羽莫之知載禍重乎地莫之知避已乎已乎臨人以德殆乎殆乎畫地而趨迷陽迷陽吾傷吾行吾行郤曲吾傷吾足山

四書人名考卷之二十一

九

木自寇也膏火自煎也桂可食故伐之漆可用故割之人皆知有用之用而莫知無用之用也莊子人間世

亥唐晉賢人也隱居陋巷平公嘗往造之孟子注

亥唐晉人也高恪寡素晉國憚之平公與亥唐坐有間

亥唐出叔向入公伸一足曰吾同時與亥子坐腓痛足

痺不敢伸叔向不悅公曰子欲貴乎吾爵子欲富乎吾

祿子夫亥先生乃無欲也吾非正坐無以養之子何不

悅乎稽康高士傳

微生姓畝名論語章句

微生畝、隱士之姓名也。論語正義

微生氏猶今人云某生也。微生畝，魯武城人。又微生高，

或云卽尾生也。通志氏族畧

微生姓，名高，魯人。古論語訓

莊子盜跖篇尾生一本作微生。戰國策作尾生高，高誘

以爲魯人。經典釋文

信如尾生，高則不過不欺人耳。戰國策

信如尾生，期而不來，抱梁柱而死。同上

尾生本與婦人期于梁下，不度水之卒至，遂至沒溺而

四書人名考卷之二十一

十

獲守信之譽。孟子注

泄柳，魯繆公時賢人也。禮記注

子柳，泄柳也。孟子注

子柳，魯叔仲皮之子子碩兄。禮記注

叔仲皮，魯叔孫氏之族，子柳仲皮之子。同上

桓公生儂，叔牙叔牙生武仲休，休生惠伯彭，彭生皮爲

叔仲氏。世本

叔仲皮學子柳。叔仲皮死，其妻魯人也，衣衰而繆經。叔仲

衍以告，詩總衰而環經。曰昔者吾喪姑姊妹亦如斯。末吾

禁也。退使其妻。總衰而環經。禮記檀弓下

總衰小功之纓而四升半之衰。環經。弔服之經。時婦人好輕細而多服。此者。衍既不知禮之本。子柳亦以為然。而請於衍。使其妻為舅服之。禮記注

子柳之母死。子碩請具。子柳曰。何以哉。子碩曰。請粥庶弟之母。子柳曰。如之何。其粥人之母以葬。其母也不可。既葬。子碩欲以賻布之餘具祭器。子柳曰。不可。吾聞之也。君子不家於喪。請班諸兄弟之貧者。禮記檀弓上

以分死者所矜也。祿多則與鄰里鄉黨。禮記注

四書人名考卷之二十一

十一

泄柳之母死。相者由左。泄柳死。其徒由右。相由右。相泄柳之徒為之也。禮記注

陳仲子齊一介之士。窮不苟求者。孟子注

陳仲子者。齊人也。其兄戴為齊卿。食祿萬鐘。仲子以為不義。將妻子適楚。居於陵。自謂於陵仲子。高士傳

楚王聞於陵子終賢。欲以為相。使使者持金百鎰往聘。迎之於陵。子終曰。僕有箕帚之妾。請入與計之。即入。謂其妻曰。楚王欲以我為相。遣使者持金來。今日為相。明日結駟連騎。食方丈於前。可乎。妻曰。夫子織屨以為食。

非與物無治也。左琴右書樂亦在其中矣。夫結駟連駟，所安不過容膝。食方丈於前，甘不過一肉。今以容膝之容，一肉之味，而懷楚國之憂，可乎？亂世多害，妾恐先生之不保命也。於是子終出謝使者而不許也。遂相與逃而爲人灌園。列女傳。高士傳。

齊王使使者問趙威后，威后進而問之曰：於陵子仲尚存乎？是其爲人也。土不臣於王，下不治其家，中不索交諸侯，此率民而出於無用者，何爲至今不殺乎？戰國策。

桓公讀高士傳，至於陵仲子，便擲去曰：誰能如此豁刻

四書人名考 卷之二十

十一

自處

世說新語

季襄陳仲子立節抗行，不入洿君之朝，不食亂世之食，遂餓而死。淮南子汜論訓。

異端

子桑伯子 原壤

楊朱

墨翟

夷之

慎子

子莫

宋涇

宋句踐

淳于髡

公孫衍

張儀

景春

周霄

白圭

許行

異端謂諸子百家之書也

論語正義

善道有統。故殊途而同歸。異端不同歸也。

論語集解

天下之治。方術者多矣。皆以其有為不可加矣。古之所謂道術者。果惡乎在。曰無乎不在。曰神何由降。明何由

四書人名考 卷之二十

三

出。聖有所生。王有所成。皆原于一。不離于宗。謂之天人。不離于精。謂之神人。不離于真。謂之至人。以天為宗。以德為本。以道為門。兆于變化。謂之聖人。以仁為恩。以義為理。以禮為行。以樂為和。薰然慈仁。謂之君子。以法為分。以名為表。以參為驗。以稽為決。其數一二三四是也。百官以此相齒。以事為常。以衣食為主。蓄息蓄藏。老弱孤寡為意。皆有以養。民之理也。古之人。其備乎。配神明。醇天地。育萬物。和天下。澤及百姓。明于本數。係于末度。六通四辟。大小精粗。其運無乎不在。其明而在數度者。

舊法世傳之喪尚多有之。其在子詩書禮樂者。鄒魯之士播紳先生多能明之。詩以道志。書以道事。禮以道行。樂以道和。易以道陰陽。春秋以道明分。其數散於天下而設於中國者。百家之學。時或稱而道之。天下大亂。賢聖不明。道德不一。天下多得一察焉。以自好。譬如耳目鼻口皆有所明。不能相通。猶百家掣枝也。皆有所長。時有所用。雖然。不該不徧。一曲之士也。判天地之美。析萬物之理。察古人之全。寡能備于天地之美。稱神明之容。是故內聖外王之道。闇而不明。鬱而不發。天下之人各

四書人名考卷之二十

十四

爲其所欲焉。以自爲方。悲夫。百家往而不反。必不合矣。後世之學者。不幸不見天地之純。古人之大體。道術將爲天下裂。莊子天下篇

子桑伯子胡氏以爲疑卽莊周所稱子桑戶者是也

論語

集注

孔子見子桑伯子。伯子不衣冠而處。弟子曰。夫子何爲見此人乎。曰。其質美而無文。吾欲說而文之。孔子去。子桑伯子門人不悅。曰。何爲見孔子乎。曰。其質美而文繁。吾欲說而去其文。故曰。文質修謂之君子。有質而無文。

謂之易野子桑伯子易野欲同人道于牛馬。說苑修文
篇

子輿與子桑友而淋雨十日子輿曰子桑殆病矣畏飯而往食之至子桑之門則若歌若哭鼓琴曰父耶母耶天乎人乎有不任其聲而趨舉其詩焉子輿入口子之歌詩何故若是曰吾思夫使我至此極者而弗得也父母豈欲吾貧哉天無私覆地無私載天地豈私貧我哉求其爲之者而不得也然而至此極者命也夫。莊子大宗師篇

四書人名考卷之二十一

子桑戶孟子反子琴張三人相與語曰孰能相與于無相與相爲于無相爲孰能登天遊霧桃撓無極相忘以生無所終極三人相視而笑莫逆於心遂相與友莫然有問而子桑戶死未葬孔子聞之使子貢往持事焉或編曲或鼓琴相和而歌曰嗟來桑戶乎嗟來桑戶乎而已反其真而我猶爲人。子貢趨而進曰敢問臨尸而歌禮乎二人相視而笑曰且惡知禮意子貢反以告孔子曰彼何人者耶修行無有而外其形骸臨尸而歌顏色不變無以命之彼何人者耶孔子曰彼遊方之外者

也。而某遊方之內者。也。外內不相及。而某使汝往甲之。

某則陋矣。同上

原壤魯人孔子故舊。論語解

孔子之故人曰原壤。其母死。夫子助之沐槨。原壤登木曰。

久矣。子之不託於音也。歌曰。狸首之斑然。執女手之卷然。

夫子為弗聞也者。而過之從者。曰。子未可以已乎。夫子曰。

某聞之親者。母失其為親也。故者。母失其為故也。禮記檀弓下

可下

蓋老氏之流。自放於禮法之外者。論語集注

四書人名考卷之二十

十六

楊朱戰國時人。後於墨子。與墨子弟子禽滑釐辨論。荀子注

致堂曰。楊朱與老聃同時。田學紀開

夫絃歌鼓舞。以為樂。盤旋揖讓。以修禮。厚葬久喪。以送死。

孔子之所立也。而墨子非之。兼愛尚賢。右鬼非命。墨子之

所立也。而楊子非之。全性保真。不以物累形。楊子之所立

也。而孟子非之。淮南子汜論訓

楊子居南之沛。老聃西遊於秦。邀于郊。至于梁而遇老

子。老子中道仰天而嘆曰。始以汝為可教。今不可也。楊

朱不答。至舍，進盥漱巾櫛，脫履，戶外膝行而前，曰：「荷者，弟子欲請夫子，夫子行不問，是以不敢。今問矣，請問其故。」老子曰：「而睢睢盱盱而誰與居？大白若辱，盛德若不足。」楊子居蹶然變容曰：「微聞命矣，其往也，舍者迎將，家公執席，妻執巾櫛，舍者避席，煬者避竈，其反也，舍者與之爭席矣。」莊子寓言篇。列子。

楊朱曰：「伯成子高不以一毫利物，舍國而隱耕，大禹不以一身自利，一體偏枯，古之人損一毫利天下，不與也，悉天下奉一身，不取也，人人不損一毫，人人不利天下，

四書人名考

卷之二十

十七

天下治矣。禽子問楊朱曰：「去子體之一毛以濟一世，汝爲之乎？」楊子曰：「世固非一毛之所濟。」禽子曰：「假濟爲之乎？」楊子曰：「弗應。」禽子曰：「語。」孟孫陽曰：「子不達夫子之心，吾請言之。」有侵若卵膚，獲萬金者，若爲之乎？曰：「爲之。」孟孫陽曰：「有斷若一節，得一國子爲之乎？」禽子默然。有間孟孫陽曰：「一毛微于肌膚，肌膚微於一節，省矣，然則積一毛以成肌膚，積肌膚以成一節，一毛固一體萬分之一物，奈何輕之乎？」禽子曰：「吾不能所以答子，然則以子之言問老聃，關尹，則子言當以吾言問大禹，墨

翟則吾言當矣。孟係陽國顧與其徒說他事。列子楊朱

楊朱見梁王言治天下如運諸掌。梁王曰：先生有一妻一妾而不能治，三畝之園而不能芸，而言治天下如運諸掌，何也？對曰：君見其牧羊者乎？百羊而羣，使五尺童子荷箠而隨之，欲東而東，欲西而西，使堯牽一羊，舜荷箠而隨之，則不能前矣。且臣聞之：吞舟之魚不遊支流，鴻鵠高飛不集污池，何則？其極遠也。黃鐘大呂不可從煩奏之舞，何則？其音疏也。將治大者不治細，成大功者

四書人名考卷之二十

六

不成，小此之謂矣。

同上

楊朱哭衢涂，曰：此夫過舉頭步而覺跌千里者夫。哀哭之。荀子玉霸篇

楊子之隣人亡羊，既率其黨，又請楊子之豎追之。楊子曰：嘻，亡一羊，何追者之衆？隣人曰：多岐路。既反，問獲羊乎？曰：亡之矣。而曰：奚亡之？曰：岐路之中，又有岐焉。吾不知所以所以反也。楊子戚然變容，不言者移時，不笑者竟日。門人怪之，請曰：羊，戔畜，又非夫子之有，而損言笑者，何哉？楊子不答。門人不獲所命，他日弟子孟孫陽出。

以告心都子。心都子他日與孟孫陽偕入而問曰。昔有昆弟三人游齊魯之間。同師而學。進仁義之道而歸。其父曰。仁義之道若何。伯曰。仁義使我愛身而後名。仲曰。仁義使我殺身以成名。叔曰。仁義使我身名並全。彼三術者相反。而同出於儒。孰是孰非。邪。楊子曰。人有濱河而居者。習於水勇。於泅操舟鬻渡。利供百口。喪糧就學者成徒。而溺死者幾半。本學泅不學溺。而利害如此。若以為孰是孰非。心都子默然而出。孟孫陽讓之曰。何吾子問之迂。夫子答之僻。吾惑愈甚。心都子曰。大道以多岐亡羊。學者以多方喪生。學非本不同。非本不一。而未異若是。唯歸同反一。為亡得喪。子長先生之門。習先生之道。而不達先生之况也。哀哉。列子說符篇

四書人名考卷之二十

十九

墨子名翟魯人著書七十二篇

呂氏春秋注。二當作一

墨翟宋之大夫。善守禦。為節用。或曰。竝孔子時。或曰。在其後。史記孟荀列傳

按別錄云。墨子有文子。文子。子夏之弟子。則墨子死七十子之後也。史記索隱

不知壹天下建國家之權。上功用。大儉約。而侵差等。曾不

足以容辨異。賤君臣。然而其持之有故。其言之成理。足以欺惑愚衆。是墨翟宋鉞也。荀子非十二子篇

不侈於後世。不靡於萬物。不暉於度數。以繩墨自矯。而備世之急。古之道術。有在於是者。墨翟禽滑釐聞其風。而說之。爲之大過。已之大順。作爲非樂。命之曰節用。生不歌。死無服。墨子汜愛兼利。而非鬪。其道不怒。又好學。而博。不異。不與先王同。毀古之禮樂。黃帝有咸池。堯有大章。舜有大韶。禹有大夏。湯有大濩。文王有辟雍之樂。武王周公作武。古之喪禮。貴賤有儀。上下有等。天子棺

四書人名考卷之二十一

二十一

棺七重。諸侯五重。大夫三重。士再重。今墨子獨生不歌。死無服。桐棺三寸。而無槨。以爲法式。以此教人。恐不愛人。以此自行。固不愛已。未敗墨子道。雖然。歌而非歌。哭而非哭。樂而非樂。是果類乎。其生也勤。其死也薄。其道大戢。使人憂。使人悲。其行難爲也。恐其不可以爲聖人之道。反天下之心。天下不堪。墨子雖獨能任。奈天下何。離於天下。其去王也遠矣。墨子稱道曰。昔者禹之漚洪。水決江河。而通四夷九州也。名川三百。支川三千。小者無數。禹親自操橐耜。而九雜天下之川。腓無胈。脰無毛。

沐其風，櫛疾雨，置萬國，禹大聖也。而形勞天下也如此。使後世之墨者，多以裘褐爲衣，以跣踣爲服，日夜不休，以日苦爲極。曰：不能如此，非禹之道也。不足謂墨者。甲、勤之弟子、五侯之徒、南方之墨者，苦獲、已齒、鄧陵之屬，俱誦墨經，而倍譎不同。相謂別墨，以堅白同異之辨相訾，以觭偶不忤之辭相應。以巨子爲聖人，皆願爲之尸，冀得爲其後世。至今不決。墨翟禽滑釐之意，則是其行則非也。將使後世之墨者，必自苦以腓，無跋脛，無毛相進而已矣。亂之上也，治之下也。雖然，墨子真天下之好

四書人名考卷之二十

二十

也。將求之不得也。雖枯槁不舍也。才士也夫。莊子天篇

墨子見染素絲者而歎曰：染於蒼則蒼，染於黃則黃。所以入者變其色，亦變五入而以爲五色矣。呂氏春秋當染篇

善翟貴廉陽生貴已。呂氏春秋不二篇

墨子蔽於用而不知文。荀子解蔽篇

墨子有見於齊，無見於畸，有齊而無畸，則政令不施。荀

子天論篇

慎子善用兵者 孟子注

滑釐慎子名 同上

按史記慎到趙人也學黃老道德之術著十二論徐廣曰今慎子劉向所定有四十六篇墨子云公輸子意不過欲殺臣殺臣宋莫能守可攻也然臣之弟子滑釐等三百人已持魯國之器在宋城上而待楚師也雖殺臣不能絕也於是楚王曰善哉吾請無攻宋城矣是慎子即慎到矣荀卿非十二子篇註云慎子與宋鉞孟子同時是也墨子之云則又知是為善用兵者矣 孟子正義

四書人名考卷之二十

三

尚法而無法下脩而好作上則取聽於上下則取從於俗終日言成文典及細察之則倜然無所歸宿不可以經國定分然而其持之有故其言之成理足以欺惑愚衆是慎到田駢也 荀子非十二子篇

慎子蔽於法而不知賢 荀子解蔽篇

慎子有見於後無見於先有後而無先則羣衆無門 荀子天論篇

莊子補墨翟禽滑釐聞其風而悅之則滑釐墨者也史記儒林傳謂田子方段干木吳起禽滑釐之屬皆受業

於子夏之倫，爲王者師，豈滑釐逃儒而入於墨，亦若吳起之言兵與。困學紀聞

壘者，治墨翟之道者，夷姓之名。孟子集注

子莫魯之賢人也。孟子注

宋姓，輕名。孟子集註

宋鉞，宋人，與孟子尹文子彭蒙慎到同時，孟子作未輕。

輕與鉞同音。荀子注

不累於俗，不備於物，不苟於人，不佞於衆，願天下之安寧，以活民命，人我之養，畢足而止，以此白心，古之遺術。

四書人名考卷之二十

有在於是者，宋鉞尹文聞其風而說之，作爲華山之冠，以自表，接萬物以別着，爲始語心之容，命之曰心之行，以脢合驩，以調海內，請欲置之，以爲主，見侮不辱，救民之關，禁攻寢兵，救世之戰，以此周行天下，上說下教，雖天下不取，強賂而不舍者也。故曰：上下見厭而強見也。雖然，其爲人太多，其自爲太少。曰：請欲固置五升之飯，足矣。先生恐不得飽，弟子雖饑，不忘天下，日夜不休，曰：我必欲活哉。圖傲乎救世之士哉。曰：君子不爲苛察，不以身假物，以爲無益於天下者，明之不如已也。以禁攻。

寢兵爲外以情欲寡淺爲內其大小精粗其行適至是而止莊子天下篇

宋子蔽於欲而不知得荀子解蔽篇

宋子有見於少無見於多有少而無多則羣衆不化荀子天論篇

宋姓也句踐名也孟子注

景春孟子時人爲縱橫之術者同上

周霄魏人孟子注

魏文子田需周霄相善欲罪犀首犀首患之謂魏王曰

四書人名考 卷之二十

二十一

今所患者齊也嬰子言行於齊王王欲得齊則胡不召

文子而相之彼必務以齊事王王曰善因召文子而相

之犀首以倍田需周霄戰國策

周肖謂宮他曰子爲肖謂齊王曰肖願爲外臣令齊資

我於魏宮他曰不可是示齊輕也夫齊不以無魏者以

害有魏者故公不如示有魏公曰王之所求於魏者臣

請以魏聽齊必資公矣是公有齊以齊有魏也同上

肖當作霄戰國策注

白圭周人也史記貨殖傳

當魏文侯時，李克務盡地力，而白圭樂觀時變。故人謀我取，人取我與。夫歲熟取穀，子之絲漆，蠶出取帛，絮與之食。大陰在卯，穰明歲衰惡；至午旱，明歲美；至酉穰明歲衰惡；至子大旱，明歲美；有水，至卯積蓄，歲倍欲長。錢取下穀，長石斗，取上種，能薄飲食，忍嗜欲，節衣服，與用事僮僕同苦樂。趨時若猛獸，鷙鳥之發，故曰：吾治生產，猶伊尹、呂尚之謀，孫吳用兵，商鞅行法，是也。是故其智不足，與權變勇不足以決斷，仁不能以取子，強不能有所守，雖欲學吾術，終不告之矣。蓋天下言治生，祖白

四書人名考

卷之二十

三五

圭。白圭其有所試矣。能試有所長，非苟而已也。同上

雜傳

離婁

龍子

周任

樂正襄

牧仲

達巷黨人

師摯

亞飯干

三飯線

四飯缺

方叔

武

陽

襄

師冕

尹公高

庚公之斯

棘子成

僕

公孫朝

公明賈

北宮錡

北宮黝

玉翁

子都

子濯孺子

嬖奚

佛肝

伯氏

成覲

瘠環

騶駒

四書人名考卷之三十一

王子墊

胡齧

莊暴

東郭氏

景丑氏

孔距心

砥鼃

王驥

沈同

陳賈

時子

陳戴

公行子

儲子

尹士

顏般

王順

然友

畢戰

貉稽

夾秋

烏獲

孟賁

孟施舍

馬婦

盜跖

離婁者古之明目者、蓋以為黃帝時人也、孟子注

離婁黃帝時明目人能見針末於百步之外、呂氏春秋

注

離婁之明，察針末於百步之外，而不能見淵中之魚。淮南子原道訓

黃帝遊於赤水之北，登乎崑崙之邱，而南望，還歸，遺其元珠，使知索之而不得，使離朱索之而不得，使喫詬索之而不得也。乃使象罔象罔得之。黃帝曰：異哉！象罔乃可以得之乎。莊子天地篇

離朱，卽離婁也。孟子注

龍子，古賢人也。同上

四書人名考 卷之二十

周任，周大夫。春秋經傳集解

周任，古之良史。論語集注

周任有言曰：爲國家者，見惡如農夫之務去草焉。芟夷蕪莽之絕其本根，勿使能殖，則善者信矣。春秋左氏傳

周任有言曰：爲政者，不賞私勞，不罰私怨。同上

周任有言曰：民悅其愛者，弗可敵也。家語曲禮子貢問

周禮樂正，因官氏焉。通志氏族畧

狄氏，黃帝臣力牧之後。同上

廷巷，黨人項橐也。漢書注

孟康之說未知所出 困學紀聞

項橐生七歲而為孔子師 戰國策

呂望使老者奮項託使嬰兒矜以類相慕 淮南子說林

達巷黨人不學而自知 漢書

師摯魯樂師名摯也 論語集注

師摯之始鄭康成謂魯太師之名大師摯適齊孔安國以為魯哀公時人康成以為周平王時人班固禮樂志謂殷紂作淫聲樂官師摯抱其器而奔散或適諸侯或入河海古今人表列太師摯以下八人於紂時吳斗南

四書人名考卷之二十

三六

云按商本紀紂世抱樂器而奔者太師疵少師疆也人表亦列此二人於師摯八人之後誤合兩事為一名林云司馬遷論周厲王事曰師摯見之矣則師摯厲王時人也諸說不同橫渠從孔安國注 困學紀聞

亞飯氏商末賢人亞飯干之後也三飯氏三飯繚之後也

四飯氏四飯缺之後也 通志氏族畧

鼓擊鼓者方叔名播搖也鼗小鼓武名也 論語某注

陽襄二人名 同上

師襄子蓋魯人論語謂之擊磬襄是也 史記索隱

師樂師冕名、論語集注

尹公他、衛人也、孟子集注

襄公十四年、衛獻公出奔齊、孫氏追之、敗公徒于阿澤、初尹公佗學射于庾公、差、庾公差學射于公孫丁、二子追公、公孫丁御、公子魚曰、射為昔師、不射為戮、射為禮、乎射兩鞫而還、尹公佗曰、子為師、我則遠矣、乃反之、公孫丁授公轡而射之、貫臂、春秋左傳

子魚、庾公差、春秋經傳集解

棘子成、衛大夫、論語集解

四書人名考卷之二十

大夫僕、本公叔文子家臣、同上

公孫朝、衛大夫、同上

公明姓、賈名、亦衛人、論語集注

北宮姓、錡名、衛人、孟子集註

北宮氏、姬姓、衛之公族也、通志氏族畧

北宮括、成公會孫、北公遺、北宮佗、括之子、春秋經傳集解

北宮、姓、黜名也、孟子注

故握劍鋒以離北宮子、司馬蒯賈不使應敵、淮南子注

術訓

北宮子北宮黜也司馬蒯萇善擊劍淮南子注

王豹衛之善謳者孟子注

子都古之美人也孟子集注

子都公孫闕春秋經傳集解

婁奚簡子幸臣也孟子注

佛肸晉大夫趙簡子之邑宰古論語訓

佛肸為中牟宰趙簡子攻范中行伐中牟佛肸畔史記

孔子世家

四書人名考卷之三十一

三十一

佛肸用中牟之縣畔設祿邑炊鼎曰與我者及已不與

我者其意中牟之士皆與之城北餘子田基獨後至袿

衣將入鼎曰義者軒冕在前非義弗乘斧鉞於後義死

不避遂袿衣將入鼎佛肸播而之趙簡子屠中牟得而

取之論有功者用田基為始田基曰吾聞廉士不恥人

如此而受中牟之功則中牟之士終身慚矣襁負其母

南徙於楚楚王高其義待以司馬說苑立節篇

伯氏齊大夫古論語訓

成甌人姓名孟子集註

齊景公之男臣有成，醜者。許氏說文

瘠，姓環名，侍人也。孟子注

縣，號善歌者也。同上

王子墊，王子名墊也。同上

胡齮，王左右近臣也。同上

莊暴，齊臣也。同上

東郭氏，齊大夫家也。同上

齊桓公，東郭偃之祖。春秋經傳集解

景丑氏，齊大夫。孟子注

四書人名考 卷之二

孔姓，距心大夫名。同上

蚺，竈齊大夫。同上

王驪，齊之諂人，有寵於齊，後為右師。同上

沈同，齊大夫也。同上

陳賈，齊大夫也。同上

周最入齊，秦王怒，合姚賈讓魏王，姚賈高以為陳賈，蓋

陳舜後，得為姚姓，而孟子與秦武魏哀時猶相及。戰國策注補正

時子，齊臣也。孟子注

陳戴為齊卿，食采於益。同上

公行子齊大夫也。同上

儲子齊相也。同上

尹士齊人也。同上

然友世子之傳也。同上

畢戰，滕臣也。同上

貉姓，稽名。同上

奕秋善奕者，名秋也。孟子集註

文選安陸王碑云：奕思之微，秋儲無以競巧。奕秋見孟

四書人名考卷之二十一

三十一

子儲字未詳，蓋亦善奕之人。注謂儲蓄精思，非也。困學

紀聞

烏獲，秦武之力士也，能舉千鈞。呂氏春秋法

武王有力好戲，力士任鄙、烏獲、孟說皆至大官。史記秦

本紀

使烏獲疾引牛尾，尾絕力勳而牛不可行，逆也。呂氏春

秋重已篇

烏獲舉千鈞之重，行年八十而求扶持。戰國策

孟賁，古大勇人。呂氏春秋法

孟賁衛人也。許氏淮南子注

孟賁過於河，先其伍，船人怒，頭楫虺其頭，顧不知其

孟賁也。中河，孟賁瞋目而視，船人髮植，目裂，鬢指舟中

之人，盡揚播入於河，使船人知其孟賁，弗敢直視，涉無

先者，又况於辱之乎？此以不知故也。呂氏春秋必已篇

田需謂齊王曰：孟賁庶乎患術，而邊境弗患。呂氏春秋

用衆篇

秦武王四年，王與孟說舉鼎，絕臚，八月，武王死，族孟說

史記秦本紀

四書人名考卷之三

三

秦武王與孟說舉龍文赤鼎，絕臚而死。史記趙世家

勇士孟賁，水行不避蛟龍，陸行不避虎狼。說苑

孟賁之倦也，女子勝之。孟子策

孟賁，舍名施發音也。孟子注

馮姓，婦名，勇而有力，能搏處。同上

跖，大盜之人。荀子注

跖，柳下惠之弟，盜跖。戰國策

此莊生寓言，惠跖時不相及。戰國策注補正

益，跖日殺不辜，肝人之肉，暴戾恣睢，聚黨數千人，橫行

天下竟以壽終。史記伯夷傳

盜跖死利於東陵之上。莊子駢拇篇

跖之徒問於跖曰：盜亦有道乎？跖曰：何適而無有道耶？夫妄意室中之藏，聖也；入先勇也；出後義也；知可，知也；分均，仁也；五者不備，而成大盜者，天下未之有也。莊子胠篋篇

盜跖吟口名聲若日月，與舜禹俱傳而不息，然而君子不貴者，非禮義之中也。荀子不苟篇

盜跖家在河東大陽臨河曲，直宏農華陰山潼鄉。皇覽

四書人名考卷之三

